

青陽縣志

地 230.35

39

4

人物志

九子雲峰青弗貴也得人則靈青連金鎖青弗奇也棲賢則神  
擅風騷於供奉倡宗旨於姚江鄉稱君子既以砥礪爲先邑多  
秀良亦且風華相尚甚者棲霞枕谷抗節子陵雖不求聞望於  
當時要皆史乘所必錄也人物志八

賢達

宋程九萬字鵬飛號雙峰居士宋淳熙二年乙未登第仕至文  
華閣待制著有九華詩百篇今逸又著歷陽記十卷其子槐復  
於天柱峰側建閱肅書堂苦志讀書後官監給賞庫贈朝奉大  
夫詳駿績

青陽縣志

卷四

人物志

明程懋宋待制鵬飛之後裔於天柱峰下重建閱肅書堂讀書  
其中經術通明問學該博中正統十二年鄉試官平山教諭歸  
隱舊業授徒講學至老不輟

理學

明王世祿字南溪十五都人邑庠生持身端亮幼慕理學沉心  
研究愛九子山率門人暨子一楨一幹講學太白書院闡明良  
知宗旨著有語錄及南溪遺稿人稱南溪先生陪祀王文成公

祠

施達字下之六十都人研精理學不應科舉隱天柱峰一門之內  
家人應對起居悉準內則曲禮傳經講學聽受者常數百人稱



天柱先生崇禎九年尙寶卿張瑋以隱士薦不赴卒其門人卽天柱講堂祠之著有讀書知易信序卦雜卦圖解儒行注孝經注韓文徵天柱志同邑陳自藻沈元復皆學於達爲入室弟子元復嘗論返博歸約之旨學者宗之又嘗詣臺使者條上採鑛崇妖媚竈諸弊皆有闢風教之言

方繼誠四都人號文坡研究理學與楊後巖倡道金陵所著語錄諸書甚富因被火不傳省志誤作繼之

施天遇十六都人邑庠生博學多通與弟天柱先生同堂講論爲理學名儒

柯喬字遷之九都人幼遊貴池李呈祥之門篤志好學及王守

仁來遊九華喬師事之偕同學在化城寺右剎陽明書院又在中峰剎甘泉書院日與諸生江學會施宗道輩講習不輟所居雙峰下構雙峰草堂終老其內復在陽明書院之右自築精舍至郡依李呈祥講堂湛若水所題神交亭之側築室以居寓不忘其師之意旣歿學者卽精舍爲祠以從祀陽明焉著有九華山詩集二卷

江學會一都人王守仁至九華學會卽與同學柯喬施宗道輩從遊及湛若水講學南都乃及門焉九華構甘泉書院實其經紀之力也嘉靖中以歲貢爲岷縣訓導遷新建教諭以歿

施宗道與同學柯喬江學會輩俱師事王守仁湛若水者構甘

泉書院與有力焉

羅賜祥字應敬幼好學在九華僧舍習舉業篝燈夜誦三歲不一歸師耿定向以主敬爲先務不欺爲實際有精舍附九華陽明祠卽以陪祀焉

何璧字莆溪素博洽擅文譽卑以自牧幼游鄒守益王畿錢德洪之門及艾猶退然如不勝衣也掩抑諸生中廿餘年應嘉靖四十一年貢當赴廷試以親老不行督學耿定向旌之陪祀陽明祠

吳邦治字淡所講學修行出其門者盡一時名士人甚重之劉織字章甫八都人幼從鄉先正吳邦治講學領悟其要以主

青陽縣志

卷四

人物志

三

靜爲功而極之於不動心時陽明書院爲六郡之會織往往爲之主嘗訓其子光復曰勿以鼎鐘鑠性命勿以鋸鑊疚身心其在鄉每以孝弟倡立宗祠設義倉所最著也後以子貴累封文林郎河南道監察御史有還素精舍傍九華陽明祠歿卽其所祀之并陪祀文成

孫哲字旣明下圖九甲人性孝友善楷書永樂中貢入太學後與修永樂大典一中官以佛經強之書不可遂辭歸天啟五年送入九華太白祠陪祀

孫楠字木所下圖三甲人陪祀陽明祠詳鄉貢

孫杞字汝厚下圖三甲人陪祀陽明祠詳鄉貢

孫星祚字堯雲下圖三甲人詳鄉舉  
王一楨陪祀陽明太白二祠詳駿績

儒林

宋齊天覺字莘夫家貧好學徹夜讀書未嘗解帶就寢倦則隱几而已經史子集靡不淹貫尋舉于州授温州天富知監秩滿遷知襄陽宜城二縣改奉議郎贛州僉判

明章棟字四可博洽經史百家至老不倦人稱爲四可先生著有沙塘晬稿補拙稿

吳秉肅邑庠生孝友恬靜尙義輕財所得廩資館穀與弟共之嗜學稽古耄期不倦著有匏山集督學御史詹侍講匾曰孝廉

青陽縣志

卷四

人物志

四

文學

江本邑庠生以古人自期待有暮夜持數金干以私者書四知二字以遺之教誨子姪並登賢書居恒陶經鑄史邑令多雅契之徐侍御以篤行君子額其門

汪應明副榜博雅磊落學務闇修一時理學名公師事焉陶情詩文特餘技也著有陽華集

吳光錫九都人邑庠生博學宏詞通古文詩賦及籀篆書法與兄寬生先生齊名著有九華全志

陳天球字惟珍精楷法刻有九華山千字文及臨懷素自叙諸帖行世名與同時文祝鼎峙弟天相尤博洽經史探元纂要隱

居以終

譚巖字維石庠生詩宗晚唐清麗可誦初春卽事云詩云踏去梅花晴雪路寄來詩草白雲僧落花詩云飛來瓦硯知詩苦偷入湘簾訢別難等句至今傳誦

孫象壯字子輶素博洽善詩歌名著江左中崇正十二年應天鄉試副榜

錢紀皞二十一都人郡庠生篤實能文笑語不苟然諾必踐訓課後學多所矜式

姜綏祖八都人邑廩生天資英敏博洽羣書授徒課藝先孝友而後經術

青陽縣志

卷四

人物志

五

程有翼十七都人邑廩生學業淵深生平著述今逸

汪應箕字仲南廩生家貧嗜學博覽羣書誨人先孝弟而後文藝八都人

陳邦奇字汝才郡庠生性謙厚慎交遊暗室之中衣冠必肅講學于九華之東巖教生徒以靜坐觀心爲入道始所著詩文俱散失

陳自修十四都人字滄州由拔貢任趙府長史性豪邁脫略不羈博學工詩行書

陳兆堂十四都人字仲升邑庠生勤學能文精于史學古今興廢瞭若指掌文多經濟

徐良璧十四都人字徵三性明敏通經史工於詩文太守李公敬之

劉光陛字乾惕天啟壬戌歲應貢文行兼優隣族奉爲典型  
錢仲斐字煥章邑廩生義士錢清五世孫學問淵博文尙氣骨  
及門多知名之士戶科給事中羅尙忠捐田祀之嘗糾立社稷壇修孔道

劉光徵字子久廩生篤實嗜學精時藝崇正十五年合邑紳士薦之當事屢辟不起

劉光御字弼聖邑增生雅淡勤學志行不苟嘗讀書潘沖菴數載不歸後學咸矜式焉

劉光律郡庠生秉性狷介重然諾尙禮法望重士林孔宮保衍聖公賜額曰後學楷模

曹真十一都人幼敏嗜學年八齡通經長遊吳訪諸先輩辨疑問難殫聞洽見稱博物君子教人先德行而後文藝從游者皆薰其德以永樂十八年貢薦入胄執事烏臺竭忠効力賜老歸里纂修家譜著五經圖記今軼

陳昇亨字履泰十三都人性敦敏博洽羣書多方造士館清河陳懋南字子爲崇正間拔貢廷試第一博學嗜古

吳光裕字寬生性溫栗通經善詩賦精書法謙恭自下人有乞詩文者不少吝而于財貨泊如也崇正三年貢

吳永言字迎賢號雲峰幼習易業篤學洽聞明義利之辨與江左名流互相砥礪後屢試不第遂隱居九華易學尤精一時從遊者如程懋士勉輩皆卓有成就所居雲峰別墅程撰有記

汪養鼎字爾調廩生通古籍精時藝工楷書邑令王化澄稱有三長

王一幹十五都人邑廩生與兄方伯一楨侍父太白書堂講論程朱主還古書院時袁中道教授新安著黃山雪賦幹依韻立成二首名振士林講學南畿國子博士應舉董公薦學行不就

青陽縣志

卷四

人物志

七

錢若文字復茲號柱山操行端潔精于易理年九十猶嗜學不倦吳文簡謂有仙風道骨前令表其闔曰勤勞聖事

錢之選字文青號彬菴邑庠生詩宗淵明文摹大蘇居九華山房窮經述古太守李公嘗徵修九華山志著有蜨丸集五十卷心言集五卷九華日遊集二卷九華山房紀略三卷九華遺事錄三卷

劉汝佩字我黻邑增生天姿異敏經史子籍無不沉酣融液臨歿猶手不釋卷

錢匡時字容若號濟川郡庠生師事太史宋衡性遲鈍夜常數起出語精切與修鍾山書院志池陽人物志親老不留宿



者二十年

劉遇字巷臣邑庠生十歲能文工楷書博洽經史以文藝著

劉運隆字大同訓導鵬翼次子勤學好問經史子籍過目成誦

錢鴻字賓南號雲軒邑庠生八都人和氣雅度文字精工尤長

于八分書

姜寅字汝亮號梧閣增廣生師事施天柱居必正坐暑不解衣  
遊其門者多以文成名

劉希聖字學成邑增生穎悟過人年十三以默五經入膠庠

陳愈成字又韓幼入縣庠家貧早孤事母至孝品行端方博厚

工詩文

青陽縣志

卷四

人物志

八

陳捷字露書通經學治易尤精康熙丙申府學貢著九華山志

子聖撰字異三亦貢生穎敏工文與從弟聖典相友愛乾隆

壬申歲歉同運穀五十里外歸里分贈丙子春復減糶郡伯

寶公以恤行可風匾額嘉獎又嘗修理古墓道路及考坑暗

坑華溪諸橋

陳有俊字秀民縣學生少工羣藝善書法學憲全公德公朱公

皆稱詩文字法堪大用未踰年卒贈以芹藻留香匾額著有

一峰集

陳士願字景孟府廩生賦性孝友素行端方文章得歸胡理法

子正履庠貢生博學多藝能尤精醫業貧不計貲府憲李公

璋贈以匾曰杏林香遠

甯占咸邑廩生勵志好學工詩文義理悉本程朱嘉惠後進有  
天姿敏達無力讀書者給費成就之

甯占解詩賦並美文字兼優

甯昌期邑廩生幼穎悟篤學工文辭試牘行世其年不永士林  
惜之

甯朝選邑廩生篤學勵行研精義理經史該貫

甯智增邑廩生與弟智考俱以文行名友愛一堂篤志勵學時  
人推爲二難

甯智考邑廩生篤愛敬家庭自爲師友與兄智增齊名

陳士豪字義亦十三都人敦孝弟好讀書長於詩古進士陳燧  
學博沈于暹及本邑大宗伯吳襄歲貢陳捷皆贈以叙跋兄  
廷魁字掄五生平友愛研辨尤精

陳天民字行可十三都人補邑庠子懋奇早遊庠序倜儻好義  
孫漣應歲薦積學工文誘啟後進名聞江上曾孫枋登賢書  
吳翺字羽臯號邃谷幼穎異補邑廩生孝友性成學問淵博雍

正癸卯舉于鄉北上隨業師族宗伯襄順天使院校文致患  
目疾歸老於家扶獎後進調卹貧寒著有邃谷詩刪長子慶  
澍郡庠生次慶潛早卒婦入節孝祠三克猷乾隆庚午科舉  
人

柯介之字子泉邑庠生幼純粹有識比冠博通經史得濂洛之本原每有著作士大夫爭傳之屢薦不售親老以教書自資克敦孝弟制行垂訓一遵文公格言及姚江遺範族被其化吳慶芹郡增生博極羣書工舉業排老佛家貧有守事母至孝雖耆艾依依如孺子教書里中時久于門下者幾二十人四決科餘俱有聲庠序間

吳翮字羽曾廩貢生少聰穎讀書過目不忘文不起草至老好學著述自娛前黔撫韋謙恒以摛文藻駕潘陸年彌高行彌篤贊之其繼母生季弟甫期而父卒翮奉母撫弟以教以養遇歉歲減價平糶者十許次生五子次子涵乾隆丙子科舉

青陽縣志

卷四

人物志

十

人知河南延津縣令光鬻附貢生續丙歲貢生三舉優行

吳慶祿字燕孚宗伯吳襄次子康熙庚子舉人承家學能文善詩工書傍涉繪事無心榮利好遊名山跋涉幾遍性耽書籍晚年杜門不出以著述自娛子瑞乾隆甲子科舉人

吳兼性雅淡不事帖括業善詩古文尤工八分篆隸旁及鐵筆無弗精研子泰泗別有傳

陳書字廷升十四都人邑廩生精理學晚講學於望江山房從遊甚眾遜志不給者助其膏火束修贏餘悉散親族貧乏子正元有父風仲子思祖尤公正足式

陳士開字泰侯號九華秉性謙和與物無忤惟以書史自娛詩

文高渾名重一時

劉一峰字學山八都人邑庠生古樸禔躬沉靜養性手輯經史遺編探索理窟時推宿儒著有經文遺編四書文言祕書三種行世子台星副貢著有周易集粹

孫欽康熙元年恩貢篤行孝友潛心理學尤善詩古文詞順治十四年同弟歲貢睿與修縣志及九華山志

孫睿順治十六年歲貢性孝友善文詞十四年與修縣誌前任楊重其文行額以天階名俊

孫之奭字容溪康熙四十七年恩貢授教諭職學業純正尤精書法前任張以江左名儒額其門首志賦作

青陽縣志

卷四

人物志

十一

孫涵士字淳淵廩生品優學博歲科七試皆第一李宰輔安溪奇其文召赴京師會有疾不果吳宗伯爲作亡友傳李都憲亦有輓章其弟渾士洛士俱有文名人稱三士

孫思李字標九歲貢生博通經籍李郡伯特聘圈點十三經孫思棠拔貢工詩文性好善著南濱集詳載懿行

袁慕安由邑增生考授主簿精易博古長詩古文詞屢薦不售遊京師入誌書館恪恭盡職絕意干進晚歸家塾課子弟專重行誼所著有雲鶴山記及浮山等記

徐念祖字詒孫十四都人幼穎悟善讀書內行修潔風格孤峻文章冠郡邑桐城方苞本邑吳襄素推重之爲莫逆交由拔

貢生考授知縣未任卒文入欽定著有徐詒孫文稿行世  
甘顯祖十九都人少年力學有文名早故學憲開贈匾并輓詩  
何政字克政博學宏詞恩選冠八郡首歸築一軒與諸生講周  
易註麟經後學士大夫咸爲矜式崇祀李太白先生祠

何尹字起莘正德五年任湖廣都司經歷叅諸軍務蒞任五月  
飄然解綬郡守張公旌之崇祀李太白先生祠

何槐字汝懷力學不倦淹貫諸子百家工詩歌文辭垂老歸里  
杜門不與外事有古君子風孫廷珍邑增生

何飛鵬字翼雲賦性廉潔讀書國子監負文名工擘窠書善訓  
後學縞紵所入分贈貧乏雍正七年奉

青陽縣志

卷四

人物志

十一

部檄訪舉優行陳邑侯以立品端方註薦牘贈額云羣推經  
庫又贈詩云澹臺氣骨本崢嶸不到公庭未易迎課子必手  
抄周易春秋沒時囑勿用浮屠遵伊川先生之教悉焚負券  
毋以財帛傷故誼焉子德基郡廩生

何若巖字賢築年少英敏工四體書及擘窠蠅頭文章得古人  
氣體邑侯聶公周公吳公俱推澹臺遺範卒日周邑侯調合  
肥以公事過青有衣冠空睹中郎貌哀怨應焚子敬琴之句  
卒年五十六子清華邑庠生

徐成沅字湘芷廩生孝事父母與兄成瀛式好鍵戶潛修女德  
姑許涇邑查未婚守節沅獎勵成節儒學舉優兩次卒年六

十

吳世閱字子功邑庠生讀書植品工詩古文一生無惰容倨色宿推理學友教甚廣如施徵士下之先生皆其契友也結廬廣勝山中爲九華六逸之一所著有丹崖集九華詩草

何機字惟幾崇正時人天性醇厚從學施達於天柱峰講堂精透易理爲理學名儒提學李以理學世儒贈額

沈天桂生穎悟八齡入泮嵩學憲贈有神童歌越七載以羸疾終

曹繩祖字其武邑廩生十一都敦孝友崇品概博羣書能文章訪學吳浙諸郡從遊名士王雲衢方樸山門下其詣益進制

青陽縣志

卷四

人物志

十三

藝詩古書法無不精妙晚年邃于理學得王文成公宗旨築尋樂書舍教授生徒先德行而後文藝所有俸金給資寒儒膏火士子賴其作育成就百數十人居父母喪寢苦枕塊子樹滋見懿行

懿行

割股辨

自唐書暨邑舊志俱載孝子何澄粹割股哀毀而青邑之割股者筆不勝書沿而妻爲夫割股弟爲兄割股羣相效尤靡所底止關係風化實非淺鮮蓋人子之身父母之身也醫父母之病殘父母之股其忍乎曾子養志不徒口體之奉試思親志果忍啖子之股乎且亦未聞股肉之可以療病也豈不益親之心痛而重之病耶曾子有病疾曾元曾西侍父子之間懇懇眷眷者惟求正而斃焉已耳百歲修短千古常理並非有劫盜仇敵之變不得假爲殺身成仁也再考曲禮毀瘠之改割股爲不惜身力以仰副我

朝 功令永爲人心風俗之戒

唐何澄粹性至孝母病痼俗尙鬼醫不進藥澄粹百方調醫不恤身力病遂瘳及親沒廬于墓哭聲不輟時稱青陽孝子有誄見唐書入鄉賢祠前志載割肉醫母哀毀殞身事故今刪之有割股辨

陳什萬十三都人父宮賦唐曆宗景雲二年官觀察使什萬家居好義天寶丁亥出穀萬担濟荒詔旌之曰義民今所村有義民亭遺址進士邦彥舉人一揚明鰲明晰御史洪柱太守

應期等皆其子姓

宋方綱十九都人先世自唐咸亨居青陽九華山東之上田至宋真宗時聚廬而居者凡七百餘口雍睦無間言每晨鳴鼓會食有家法三卷范增作蒙宋有六義門方綱卽其一也國史凶之嘗出粟五千石賑濟貧民景德二年轉運使馮亮以事聞詔旌其門天禧中蠲其役又嘗保衛青陽功授銀青榮修大夫國子祭酒

甯達文居陵陽鎮元豐二年大水鎮市漂溺者千餘家達文出粟五千石賑濟邑令李廣以事聞勅封府君後人立祠於鎮以祀之

青陽縣志

卷四

人物志

十五

諸大道嘉定間博士縣令諸信之子篤孝友信歿葬百丈潭廬墓三年洪武初築廬猶存鄂國公常遇春追趙普勝會題詩於廬云赤汗戰征袍誰似隱跡高孝子今何在芳名百代標江應洪十七都人儀矩宏整趙方爲邑宰與之契後方帥襄陽洪爲制幕會方卒洪攝帥事後知德安府遣除淮東提刑兼知揚州值寇急揚酋長說降洪曰如負國何遂死之歸葬九華西洪嶺麓趙彥博志其墓詔封開國郡公諡忠顯雍正元年崇祀忠義祠

元方時發字子春二十四都人綱之後克世其家孝義稱篤家業益隆元壬辰邑令史午入京以事聞復旌門蠲役至正二



年秋岡陳公爲郡守大書其門以勵風俗勅授時發爲潮州教授調徽州教授

何清甫大德間歲凶出粟二千斛賑濟事聞詔旌其門

明錢清八都人字公清倜儻好義精數術元末兵興集義旅衛鄉邑與趙普勝立寨相望寇來則拒退則率鄉人耕稼以爲食民多賴之大將軍常遇春遣院判趙忠攻青陽清卽率眾合兵滅賊授陝西甯夏衛正千戶後擢萊州衛指揮使吳元年調征張士誠戰不利清獨挺身格鬪死於陣清居家時常築九華山房王忠文公禕爲之記忠文公後仗節滇南蓋志相合也贈封靖難昭勇將軍

青陽縣志

卷四

人物志

十六

柯原民洪熙時代戍京師時李文毅以建言杖闕下無人扶救民憤激仗義負公歸第人敬服焉後年老遣歸卒於家文毅親爲文以祭之乾隆元年入忠義祠

章禧遠二十一都人家素饒裕幼聰明敦尙行義正統丁卯歲饑出粟二千石賑濟貧民事聞勅旌爲義民勞以羊酒免其役禧遠詣闕謝賜食闕門還建旌義堂以奉璽書翰林學士

周叙記

吳筥爲諸生序當應貢以伯兄臥病不忍赴試淹滯十年後因選貢例方得與選授教秩諸生貧乏者無不周卹之非公事不至縣

陳潛篤學好義惠及鄉里生子文武斌臣宣五人各授一經家學相承後裔決科名者代有

陳璋十四都人事親孝飲食必親奉父卒哀毀守禮廬墓終喪母死亦如之

李希仁十一都人少孤事母以孝稱母卒廬墓三年正德十三年詔旌其門

陳鎬字京之十四都人邑庠生性至孝六月盛暑母病思冰不可得夜半走深谷中號哭不已上感天心水忽冰取歸奉母病遂瘳因名其地爲哭冰崖後病作鎬嘗穢以驗瘥劇母歿哀毀乾隆十三年奉旨建坊旌以孝感天地四字省志作三

青陽縣志

卷四

人物志

十七

月誤

程暉一都人宋開國公鵬飛之裔母早寡遺腹生暉天性至孝及長痛母節未彰正德中徒步詣京師刺血上疏特旨旌表

立坊

省志誤作璋

施大觀素性廉潔樸雅旣舉屏絕外事博洽羣書厯府州二任一無所染尋卒於官御史按州治親臨其喪入視廨宇四壁蕭然深爲悼惜賻祭而厚歸之

王致祐十五都人嘉靖三十九年饑出粟五百石賑鄉族之貧者又出穀六百石爲義倉濟人困急令秋稔抵數入之爲永久計祖貽遠成二名額有軍裝畜僕十餘戶歲有年料族中

貧者常不能辦乃出長稔田二十五畝以供二費  
羅致鳴十九都人父璉樂施予修建及卒鳴九歲聰明特達雅  
敦孝友一遵母命以昌父德救災卹貧疎戚賴焉有叔悍惡  
利鳴產屢刺殺之不遂後叔貧仍厚遇之又出銀百兩修儒  
學併城隍廟授散官例

甯駢以材武從明太祖得功授錦衣衛千戶後歿於陣子世襲  
劉應鶴字元臯以儒士爲浙江龍泉主簿遷遼東右屯衛經歷  
以城守功經略奏擢北直隸永平府通判會府將劉興治叛  
執應鶴罵之曰國家豢養若屬若屬不能保障邊郵乃敢謀  
逆悖叛吾見大兵一至若屬無噍類矣遂被害

袁國棟字貞幹天啟中工部營繕所遷中府經歷薊遼督師孫  
承宗知其才奉爲直隸眞定府同知署永平知府國棟多方  
撫戢兵民使之巡撫方一藻題薦監軍河南與流寇八戰八  
捷得賊營所掠婦穉悉放還之督師以國棟老於行陣奏補  
遼東前屯分練監紀同知守禦松山中流矢卒事聞贈山東  
按察司副使

李可受字李度自幼勵志節崇正六年以國學生授陝西澄城  
縣主簿時流賊蹂躪秦中澄城屢被攻劫可受佐縣令死守  
八年秋賊眾大至度勢不支或勸棄城走可受毅然曰位雖  
卑死吾分也走將奚之及城陷被執不屈死之事聞加贈優

卹

陳懋監字伯建崇正中以國子生授貴州按察使照磨署開州事勦捕土賊有功陞四川布政使經歷流賊張獻忠破蜀被執不屈死妻高氏子良臺良卿及僕玉香等十三人從死焉章元縉二十三都人嘉靖末出田三百畝入宗祠以贍族人之貧者知府尹士龍匾曰希范睦宗知府王頤匾曰敦倫尚義熊鏜九都人孝事繼母撫養孤姪修城造橋歲饑罄貲賑濟郡縣歷請鄉飲

袁德厚坊市人天性孝友家不甚饒好施予父卒庶母懷妊改嫁及產抱養成立均以父業與焉己丑庚寅歲大祲罄儲助

青陽縣志

卷四

人物志

十九

賑宗族尤加厚焉按院送冠帶榮之贈尚義匾

劉介卿八都人奉嘗公其嫡孫也孝事繼母友愛諸弟卹睦宗鄰家素饒好周濟窮困遠近感戴

吳文元九都人天性謹厚萬厯戊子己丑歲連祲捐穀數百石以賑

孫祖十六都人幼孤家貧事母至孝母卒廬墓三年觀風屢給銀米賜匾獎之原載有割股事刪之

孫懋述坊市人號青華萬厯三十七年歲貞生忠孝性成廬墓九年有馴雀之異由溧陽訓導任忠州學正署州事懋囚作亂自書其笏爲臣死忠爲子死孝力保孤城存活萬眾致仕

鍵戶究心理學諸書屢舉孝子享年九十別號心學先生陪祀太白陽明祠

陳邦騫十三都人連喪父母廬墓六年知縣秦賜孝子匾獎之何辰乙進士何公美之子受祿元孫有孝行延祐中詔旌建有純孝坊崇祀忠孝祠

吳永廉幼失怙晝夜號泣同郡廉使柯暹題其堂曰慕親大理寺卿向敏爲之記長而淳厚樂善成化二年輸粟賑饑知府鄧儀嘉之申請建坊給冠帶

周聘父母歿哀痛幾毀終喪不輟悲旣欲附葬先隴宗人難之聘不除衰經者六年族人感其誠許之有二弟析產讓其腴

者室災拜而自咎火遂熄

甯應祖字子述幼好學天啟四年舉人應天鄉試動以禮自守居母喪一遵禮節撫姪孤如子崇正末土賊相戒不入其家李可大性孝善事繼母撫教諸弟成立鄉族重之

孫倣祖十七都人少孤事伯兄如父及分產義讓千金知縣傳賓請與鄉飲

鮑東十三都人業田僅百餘畝勤儉積穀萬厯二十二年歲祲出穀五百石賑濟鄉族事聞本道以尙義嘉獎之祀忠義祠江之文太學生慷慨博雅居家孝友與弟分產悉以膏腴讓之素與平湖陸萬垓善後陸巡撫江西屢以書招之終不往

劉永祚字長伯八都人邑庠生父劉光復萬曆乙卯五月以張差事召對慈甯宮建言被逮比聞報冒暑星馳伏闕請代乙卯八月首疏願代父罪丙辰二月再疏爲聖孝光被無窮微臣茹苦莫控戊午二月三疏不報痛哭而卒弟蔭祚復上疏請代閱五年光復得釋又前居母喪茹素廬墳後事繼母齊慄承懽府縣兩學諸生共呈當道請題旌表孝行諸名公輓章盈帙

徐中時業農十四都人賦性敦純操行貞介親喪廬墓三年孝行著聞

吳世華九都人字穉明父大楷多病華侍湯藥不懈家雖貧親

青陽縣志

卷四

人物志

二一

食必有酒肉崇正癸未兵亂負父出走賊追至抽刀砍父華以身左右衛之曰甯殺我賊感動因舍其父而繩華使爲向導華佯諾去鄰尙數百步故緩行度父得免乃曰我爲父姑許爾耳生已之父殺人之父匪仁全已之孝毀人之孝匪義頸可斷向導不可爲也賊怒殺之妻譚氏見夫賊殺晝夜哀慟成心病卒

江鯤十七都人字元化號南溟資性英敏器局恢宏始入成均知交遍海內常慕范文正公遺風建塾置田尤嗜理學與施徵君下之先生友善捐資築講堂於天柱峰下日就切磨曾授陝西藩理隱居弗仕家產頗饒糶穀減值戚友有貧者憐

慨無吝色里有紛爭無不排解事孀母至孝侍疾衣不解帶居憂不御酒肉訓二子以義方時人比之陳太邱王彥方

陳自藻十三都人字而新受業天柱先生門下聲氣最洽大廣天柱之傳設講鄉塾從事多人臨貢卒 上憲追額曰學行醇篤同門迓神主配享天柱

甯汝薰十一都人字疇生邑庠生天性孝友幼孤好學刻意立行從遊天柱施先生之門研究性理兼通圓覺楞嚴諸解於聲色貨利一無所嗜雖閨房燕褻未嘗見有惰容母病躬親湯藥衣不解帶里人無不感其至性

施承詢十六都人母死啜粥飲水廬墓三年邑獎其孝

青陽縣志

卷四

人物志

一一一

陳明條十四都人拔貢生事母至孝居喪哀毀骨立廬墓三年撫按屢獎其孝

吳大瑄九都人性孝友好施予歲大祲嘗自輟食忍饑日捐糜以濟饑饉多賴存活九華僧有宿逋二百餘券悉焚之卒年五十三

陳明慶十四都人讀書守禮刻意立行事親至孝父喪廬墓望江山麓哀毀骨立郡邑撫按屢加旌

袁國光坊市人字賓求食餼膠序從事天柱先生篤意孝友遊學新安旅次拾遺百金埃其人至還之娶妾弗願國光還其父聘金弗問崇正癸未卒于亂師

陳讚十三都人以父叔漢官池州僉判卒于池廬墓不去時稱孝子遂家于青陽壠上

王之璘十五都人字伯玉副貢嗜古好學遍交諸名公如夏雲鼎蔡復一皆稱其文似韓昌黎品似陳仲公崇正乙亥詔徵辟賢良郡守石公以先生名應堅辭不起樂道高隱名重一時癸未悍師左良玉南下捐金鳩眾城守獲全又置義田百畝贍族之貧者崇祀鄉賢併陽明太白二祠著有太易神策補太易鈎解讀書鈔

孫廷祚坊市人邑庠生性至孝友父歿訓弟遠祚成名弟卒又撫姪欽與己子睿無異尤善詩文及書畫壽八十一歲自知

終其無疾坐逝

王之命十五都人慷慨仗義事親至孝族人常舉其孝天柱施先生有孝行傳

王之義十五都人賦性俠烈力耕養母里中傳其孝行

劉襄祚字天章八都人邑庠生光復少子孝友性成父歿年甫七齡擗踊號泣儼若成人九歲能文早遊泮事母至孝母卒盡哀合禮

何自龍坊市人事母至孝力作供養家饒捐資贍族遇荒賑饑縣舉善人

沈元復十七都人拔俗砥行矢志古道居梅王山論學取友爲



天柱先生入室弟子嘗論返博歸約之旨學者宗之又嘗詣臺使者條上採鑛崇妖媚寵諸弊皆有關風教之言

江元嵩家素貧工書每以書取資養父母父晚歲日盲元嵩日舐之母久病元嵩侍湯藥積歲不少休

陳良台年十二父懋詣遇寇被執良台號泣求代父得釋居室災良台自外至奮入烈燄中被母出身焦爛越數月始瘳妻李氏亦孝謹早卒父母憫之良台遂不再娶父素好善良台承父志賑孤惜貧代完逋賦康熙戊子歲饑減值鬻產易穀以散乾隆四十一年旌入鄉賢祠

吳大榴九都人父死厝淺土無力營葬值久雨山溪驟漲榴恐

青陽縣志

卷四

人物志

二四

水衝父棺急奔護之握棺上鏢不舍水大至隨棺漂十餘里至死鏢猶在手棺竟留淺灘族人哀之附祀於宗祠

陳天惺字思吾父患癰醫治不痊惺日夕吮之父早春思蕨惺入山徧求遇虎不傷母歿廬墓悲泣三年不輟

吳世探代以孝著父大異痛親不逮養終身却酒肉明末眾避流寇大異毫不肯行命世探先攜家人出及再往寇已充斥焚掠世探冒鋒刃從焚巢坳壁中負大異出康熙中舉鄉飲賓子國讚康熙戊午舉武科兄弟友愛終老無間擴家祠立家規族人咸遵其教子翺雍正癸卯舉於鄉

何應秋字猶白庠生善事繼母不惜身力及卒廬墓終喪繼母

所出弟患痘極危秋與同寢調治月餘而愈

何自舉上圖人十歲父庠生何應秋母方氏相繼卒貧依諸兄孫鎮可舉以女妻之紡績女工自給猶時推飲兄弟姪輩續因叔庠生何應乾乏嗣無產舉力代供養叔病篤以舉承嗣叔卒孝事孀母吳氏本生考妣與兩門祖考妣俱舉營葬又修祠宇周里黨嫻親以孫鳴謙貤封

李悠久幼有至性讀書知慕孝義年十三時事母極孝

許國聘字二尹貢生事母至孝兄大罕病篤國聘匝旬不解帶母歿廬墓終喪

何彥庠生號蓮溪上圖人積學敦行事母孫宜人五十餘年恪

勤承歡母歿哀禮畢致年已六十一猶廬墓西郊既三月病毀骨立諸子力勸不聽仍依廬讀禮課子光謙遂同廬奉侍三年季子溥謙舉庚午科諸縉紳錫詩文百餘篇座主莊滋圃時巡撫江蘇等處錫以序並書孝友淵源匾額贈之

張世繼業儒七都人家貧無以養日耕樵供菽水宵讀書親歿廬墓六年

何宏謙字肇豫增生性孝友諸弟幼少母病侍奉湯藥三載衣不解帶王邑侯贈以敦本積行匾額

俞煥章八都人字堯文郡庠生性孝友母以弟病憂泣失明煥章侍藥不懈弟愈而母目亦漸明三代同爨無間言時出其

餘以周貧乏歲饑變產買穀助賑

阮大烈十九都人例貢生幼喪母事繼母至孝母卒棲柩側三年周恤貧困逢歉歲必勉力捐濟

徐俟賓上圖人躬耕養母甘旨不缺因弟病瘵復合爨生平尊賢敬師

胡佐清郡庠生九都人父患惡疾百方調侍居常亦任恤其鄉焉

柯時舉九都人字南翥邑庠生敦行好義先人遺產悉授諸弟母歿哀毀骨立廬於墓一日驟雨山水發時舉抱棺呼號有蛟蜿蜒其側水退而瑩得不毀人謂孝感

青陽縣志

卷四

人物志

二一六

王宏圖字公燮十五都人四歲喪父兄止八歲貧無尺土八歲後力勤起家母病瘋圖與胡氏左右不離更喜周恤貧乏

李日學二十三都人事繼母至孝兄出繼貧乏日學以已產均之康熙戊子歲歉捐穀助賑施粥一月以濟

何功謙上圖人國學生性孝謹得祖歡尤得繼母歡父患肺痿不能咯痰遂吮其穢穢盡而疾瘳人皆稱之

曹之斗字維柄十一都人幼失怙事母至孝侍疾居喪無不盡禮廬墓三年茹蔬不改貧乏告急無不應

曹德優字仕可國學生居家孝友親沒廬墓三年歲饑民疫捐資施藥

甯樸字文卿壯而力學通書事親至孝親柩在堂數年不刻離  
更好周濟貧族

阮有韜十九都人邑庠生父病三月不解帶百計求愈焚借券  
百餘紙以祈父壽孺慕至老不衰

袁鳳仁下圖人遵例縣丞以孝稱左右就養曲得歡心親歿廬  
墓三年性好施與每歲歉出穀一二百石助賑

袁紹霖下圖人貢生少孤力學尤精於易事母至孝母歿廬墓  
三年孀嫂孤姪賴以成立歲歉出粟周濟鄉人稱之次子燦  
乾隆壬午舉人官海州學正

施鎬鍾十六都人國學生父大猷知河池州卒于官扶觀歸江

青陽縣志

卷四

人物志

二七

中遇風人盡登岸鎬鐘年甫十餘抱棺不舍呼天號泣風亦  
漸息事兩孀母以孝聞

吳慶祈字書年尙書襄之長子制舉業入邑庠時父襄弟兆雯  
俱官京師祈獨家居奉祖母晨夕不離

陳洪勳字周佐國學生少孤奉母極孝母目失明洪勳尙幼朝  
夕舐之復明一日隣火延其室洪勳冒火負母出髮眉盡焦  
母歿廬墓終喪嘗焚券約四百餘金乾隆壬申歲歉捐穀百  
六十石助賑

甯世演字潤生郡增生有孝行侍父病晝夜不離郡中修翠微  
堤倡而兼募亦著急公

曹續祖字緝文邑庠生母李氏守節無嗣立續祖承祧母病親嘗湯藥衣不解帶負薪以供菽水家貧苦讀晚年日瞽復明人以爲孝思所致

李宏任十一都人貢生字瓊賢善事繼母病嘗湯藥多推產與弟以悅其母歲歉減價平糶以濟

劉吉初字謙六八都人郡廩生至性過人父母歿俱廬墓三年章仲和字福三二十一都人少孤年十六卽負母葛氏由涇邑遷青陽零丁孤苦母子相依母卒負土成墳廬守五年郡憲葉爲墓表後嗣科第纍纍代有名人鄉舉官詳載各條

吳景良字一仁性至孝居父喪哀毀骨立母病侍湯藥百方調理母至八旬卒廬墓守喪邑侯郡憲咸給匾額

吳泰泗邑廩生幼喪父至誠哀戚事母尤孝一日母病危適有醫與之藥愈而其人旋不知所往人以爲孝感

吳泰閱自幼至孝母與父相繼臥病奉侍湯藥迨歿哀毀盡禮族中稱爲孝焉

柯遇吉字祥伯性友愛與弟析居數十年弟貧盡鬻已產以償弟逋及歿屬子夢炳善承之

柯夢焯字燦然年十六父亡于楚奔赴迎柩歸里結廬墓側三載

吳世勤字華川性至孝母病數年就醫江右尋與母俱沒江右

其子國英越數年負骸骨歸葬

吳國英字爾俊至性孝友幼失母偕弟從父世勤客江右年甫十三父歿攜弟負骸骨歸葬友愛樂善施山業於甘露禪林詳見甘露菴記

柯斐字非文幼秉至性母病劇醫藥弗懈祝神祈代不惜身力其兄熾弟璽並篤於孝友事載池陽人物志

鮑士倬字漢文邑庠生沉靜孝友親疾侍奉湯藥不解衣帶歿則廬墓終喪生平捐資濟貧撫姪里中咸稱其篤行

陳啟建字懷中貢生事母至孝母病嘗藥禱神竭力調治母卒盡哀盡禮營葬之日有白鶴繞其廬

青陽縣志

卷四

人物志

二一九

徐家祝父母相繼病臥二十年家祝衣不解帶力作供養邑侯孟獎之

王永堅號梅岡庠生十五都人孝友性成母壽至八十膝下孺慕如嬰兒恭兄友弟常著詩文自娛以讀書立品保身垂訓子化文右文俱入庠

王長庠生少孤遵母訓苦讀母病湯藥必親嘗待弟終身無厲色廬學師贈以詩句

王雲瓏性至孝十五都人事繼母吳氏至孝母屢病劇百方調理不顧己身母壽至七十二歿處鄉温和人無間言

陳昌字永安十三都人事親孝飲食必親嘗父有疾百方調理

焚香顙天父母均以壽終待兄弟無間言

陳宗貴事親孝菽水必嘗父母卒自毀居宅磚石爲墳塋父深嘗有志作巨橋於華溪之曲宗貴承志率族人成之年過六十猶書孝經數十本贈鄰里以子天然官指揮贈衛尉

陳復源字士蘊性至孝父客死粵東源號泣奔赴扶柩甫歸母亦尋逝合葬仙人峰泣血廬墓二十餘年鄉孝廉鮑珪已著有廬墓記萬曆癸卯巡按趙公士登爲立孝子墓碑

李正蕙少孤隨祖可受至澄城任署崇正末年有流賊迫城下可受知勢不支遣正蕙去未几城陷可受殉妻曹氏左股被傷正蕙與僕陳洪負曹氏出走賊追砍其左耳急逃匿民間

賊退收祖骸骨歸時年十四

吳名登一都人廩生幼失母事父孝父病顙天父歿廬墓三年吳維藩一都人邑庠生秉性孝友父母歿廬墓悲思待弟姪友愛

池南溟字次咸母駱氏早寡遺腹誕生稍長知孝痛母完節竭力請旌傷父沉舟刺血招魂以葬

徐德文十八都人父早喪事母極孝撫三幼弟皆成名次弟謙官太僕

徐信十八都人孝友性生齟齬時卽知愛敬其親母病嘗藥以分其苦事兄如嚴父雖宴見必以衣冠後兩舉鄉飲大賓

陳時翺十三都人敦孝友端品行嘗建邵溪橋子紹文積穀賑濟者數次孫懷桂士盛能篤學好義讓

吳國讚字休頌康熙戊午科舉人廣西太平府江州同知平生知經術尚忠信與兄國調出入友恭兄微慍卽長跪生前相約同穴一姊家貧代置田宅養贍家廟制狹獨力鼎新族眾蕃衍立規條至今榜之卒時諄諄以六行爲訓族姪尚書襄贊曰性含方正氣備溫恭敦行秉禮肅肅雍雍恢前昌後睦族亢宗人謂之實錄子孫世有顯官詳載各條

陳自虞少孤事母章氏菽水承歡處宗族恂恂郡伯喻公成龍給匾曰明發不寐

青陽縣志

卷四

人物志

二二一

陳尙元年甫十四父病日夜號泣奉侍不懈路拾徽郡朱士臣遺金四十兩俟其至還之乾隆元年壽賜粟帛邑侯戚贈以仁孝足式匾

林文宦年十六值父病篤顛天願以身代百方調治父歿哀毀骨立後無子嗣人咸傷之

陳廷芳字丹五監生少與弟謨梅相友愛梅早卒其子翰賴廷芳撫之丙子春減價平糶復出米百餘担以周貧乏

鮑錫旦字以待家貧負薪力作養親豐備父母歿久嘗泣念不忘

鮑洪改力耕養親事父至孝



陳大成字聲玉監生性孝友父母病衣不解帶及卒終喪足不入閭友愛弟麟周恤貧困施棺木建橋亭子啟松啟機丙子歲饑減價平糶孫禹謨捷三等六人均入庠

陳尙易字維周家貧以孝聞父萬謨命承繼與伯萬璞易竭力生養死葬嘗有德及貴邑縞溪曹姓至今闔族奉爲香火

王拱字居所二十一都人少孤居喪廬墓孝事老母兄弟友愛財不私已捐建公祠設規條約族人前憲史 旌以孝友順治八年舉鄉飲

汪應仁秉性仁厚篤習詩書母病湯藥不廢母卒廬墓終喪父卒亦如之順治十年舉鄉飲

方啟徵幼讀書事母孝母亡弟姪在外不歸籍徵出訪兩載鄉隣咸以孝友稱

章世功二十三都人太學生素行樂善重修宗祠出已田百畝爲祭田祀其始祖

章守楷邑廩生孝篤於親爲弟妹婚嫁分產自取礮者

章維養孝行性生幼孤家貧勤苦供養及老當身殯墓族鄰共稱宗譜並載

姜元義字我錫八都人邑庠生幼失怙事母孝雖湯藥飲饍不假家人手撫其弟德祐訓導有方同以義行著聞没年八十有六

錢賓祥字于周事父孝

汪赤明號瓏岡庠生父吉先病瘋六年赤明侍湯藥不少離

劉蔚文字斐章邑庠生善事父母養生送死禮盡情至宗族至今法之

錢正相字顯仁貢生從太史宋衡遊與修鍾山書院志母病躬親湯藥刻不少離

劉文燄字藻儒邑庠生性至孝幼失恃居喪哀毀骨立父疾侍奉湯藥衣不解帶及歿廬墓三年

錢傳孔字受之事母孝嫻於詩嗜學

劉志成字西佑國學生孝友性成因弟讀書遺產悉讓弟以助

青陽縣志

卷四

人物志

三三三

膏火自甘勤苦竭力養親父母歿俱廬墓終喪居家敦倫睦族里中矜式

陳德聖性篤孝母

張敬六父病躬親湯藥不惜身力

曹受十一都人曹誠之弟隨兄任甯州土司昌賢入寇與兄率眾盡力守禦城陷遂俱被難與誠並稱忠節焉

曹之鼎邑庠生六歲喪父十三歲喪母廬墓時嚴冬雪數尺廬獨無雪里人名其地曰孝感壠初鼎父曰仁母王氏五旬無子立姪之賜爲嗣後生鼎鼎之產業均分兄或不給仍資助之

曹柳邑庠生少貧勤讀父早喪諸弟幼母患瘋疾多方調護撫育諸弟歷盡諸艱母歿靈柩在堂右鄰失火延燒柳抱棺痛哭反風而息壽躋八旬端坐而逝子潤桂庠生

曹天生仁厚公正尤篤孝友家貧事母至孝母病遇老人賜丸一粒服之卽愈恭兄撫姪乾隆丙子歲歉減價平糶及飲婚娶助殯葬鄉隣皆感其德

曹一曷性淳厚好施舍每歲歉出穀周濟族鄰窮乏家貧好義雍正年間

欽賜八品冠帶給以龍章寵錫匾額獎之年九十有三

曹步彤國學生少孤事母孝母患漏疽彤以口咀膿血而愈兄

青陽縣志

卷四

人物志

三四

軟疾不能力作田產房宇皆彤所置及析爨盡以腴田讓兄曹曰富母病嘗藥溫被衣不解帶母歿哀毀骨立三年不入寢室仗義捐資協修宗祠

曹如琿秉性淳樸家貧幼失怙事母至孝母染目疾朝夕舐之時年十三人咸以爲孝後家少裕仰體親心盡以膏腴讓弟曹瑾州判父病目瞽跬步不離子庠生如彭博學能文孫庠生惟敷

曹兆甲十歲父之仁卒母王氏病死日餘甲痛哭禱天母復醒以壽終子森瓌榜篤行康熙戊子歲歉給穀賑饑

曹天縱一瑄之子母患瘋疾百計醫治兄素外遊析箸後撫姪

如子周濟貧乏與妻陳氏同時無病卒子興祖次子甘霖俱顯達詳載各條

曹繼祖事繼母至孝母生女適甯推腴田粧之母歿後諸弟尙幼家久分而復合勤苦經營及兄弟皆成後始各爨其子先簿亦孝繼母

曹如珍年九齡事母至孝兄弟終身不析居子進選俱國學

曹先寶幼失怙家貧擔薪孝養繼母繼母病親調湯藥及歿喪葬盡禮撫養幼弟成人

曹如瓌國學生母查氏卒瓌廬墓哀毀嘗施茶捐造中堰河石橋負債不追臨終焚券子文益貢生與妻李氏居喪盡禮賑

青陽縣志

卷四

人物志

三五

饑寒修橋路

甯瑄性至孝隨父立功甯夏曲盡子道父歿兄弟附籍甯夏瑄獨歸奉先祀工科給事徐維超有序以子正誥贈

甯三仁事親孝親歿廬墓邑侯盧公贈匾旌之與妻杜氏俱八十九

甯成鴻素性醇厚侍父病衣不解帶督弟讀書以已產資弟膏火府憲喻 贈匾獎之

甯自永幼喪父事母盡孝母病躬親湯藥不惜身力邑侯聶贈獎之

甯廷銓邑庠生通習經史時稱宿儒性至孝得親歡

李能啟國學生孝事父母推產讓弟焚券周急

李駙性至孝年十四竭力事親不惜已身俱八十餘

李山重幼喪父家貧嘗自耐饑肩挑度日必求甘旨奉母母痛年餘竭力奉侍族中咸稱其孝

李慎討家貧年十五喪父弟妹俱幼母曹氏抱疾服侍調護不懈撫育弟妹經營婚嫁次妹適孫少孀慎討養甥蘇鮮成立復爲請旌表揚

謝應重幼貧孝事父母母歿廬墓每日必待父寢而後就墓廬父歿日夜廬墓號痛不輟崇正十二年邑宰王贈額純孝可風

青陽縣志

卷四

人物志

三六

謝尙全幼失怙家貧傭工養母母疾不惜身力和羹調藥壽八十一

謝瑞邑庠生性孝友親歿廬墓三年友愛少弟

徐步漢字仲紀十四都人父國琦疾百方醫藥不卹身力人稱其孝

徐名植字天健十四都人父早歿事母誠篤母患痿痺植持護十有四年卽應試亦不肯稍有延留母歿哀毀骨立廬墓三年後以庠貢選授靖江縣丞旋調元和縣丞其治河賑饑頌聲籍籍工詩古文詞

徐權字巽行十四都人邑庠生博極羣書精詩古文幼孤奉母

承歡養志垂老不衰有詩載池陽韻紀及江南風雅集并著有九曲池誌

徐尙坤十四都人事父至孝不惜身力里人稱之

徐正台十四都人孝事繼母盡誠盡禮人咸稱之

徐欽歲貢生十四都人孝事孀母年五旬餘猶跪受母訓母故

廬墓三年事實詳見池陽人物志

徐英元博學能文性孝義母病禱神夢神施藥次早有醫賣藥于門售一丸進之母愈妻粧田十畝英元盡入兄弟公產終身同爨

吳攀高有各爨兄攀耀早亡寡嫂孤姪力爲撫養婚娶隣里饑

青陽縣志

卷四

人物志

三三七

寒常贈衣穀

袁國旭事父至孝居喪哀毀骨立創置義倉糾建宗祠設立家塾

吳震元國學生母病躬親湯藥母歿哀毀骨立每歲出穀濟困袁鳳合事母至孝母病躬侍湯藥未嘗少離卹孀嫂程氏全具節孝

楊天壽字汝仁萬曆三十二年 題請恩給八品冠帶

楊豹祚奉祀生員幼孤孝事祖母病嘗糞滌穢扶孤姪孀嫂捐田入公丙子歲歉出穀賑濟

袁大比國學生伯兄大鵬早喪保護孤寡康熙戊子歲歉捐米

助賑與仲兄大任應例考主簿職

何福謙字受之邑庠生孝事繼母父歿時弟俱幼穉撫養授室咸入宮牆邑侯戚贈額曰品重璠璣

何允謙郡增生性孝母疾久不愈允謙知母意憐季子讓田益之母喜曲承父歡心庶母生弱弟又析已產與之事長兄亦推多飲少人感服其友恭云

何光謙字遜人庠生天性純篤自幼從父廬祖母墓三年服闋始歸授室與弟溥謙同入郡庠篤學敦行

何大仁字南溪年踰六十侍親湯藥數月不解帶卒年九十三何應進字繼先一都人性篤孝父良芳歿哀毀廬墓茹素事母

江氏朝夕不離後銓經歷辭不赴母年九十三卒廬墓盡哀子自鳴選縣丞亦以母張氏年老辭不仕與弟庠生士選監職鳳圖篤行孝道一如其父

何子敏子芳子英兄弟友愛洪武時子敏充糧長遲稅當罪芳英爭代芳往金陵就獄英隨之芳死獄中英亦死金陵敏以骸骨歸鄉貢進士程懋作傳

何應運字叔開庠生上圖人天性純篤侍父充吾于無爲霍邱學署諸生不能應試者運曲體父心多爲資助主事錢策紀其巔末父告歸里運事養二十餘年與兄應元終身同居何應祥字瑞芝上圖人孝奉二親年躋七十溫清不懈尤喜周

恤乏困順治十一年楊邑侯舉爲鄉飲大賓敦禮投啟云悃  
悞端嚴媿美古哲贈匾云天恩隆錫

何敦潤事父最孝不惜身力及卒廬墓三年

何敦禮字天秩父病年餘親侍湯藥不惜身力親歿終身茹素  
妻亡不再娶族里欽其行

何敬學字博文郡庠生父鳴謙官齊晉祖敦倫司訓蕪湖追隨  
代父奉事父歿繼母患背疽親爲吮毒遵父遺命助金五百  
倡建宗祠子庠生慎行慎豫等七人

何敬愷庠生上圖人孝心誠篤父病垂危迫切嘗穢親歿廬墓  
終喪

青陽縣志

卷四

人物志

二二九

何毅字遠侯庠生家貧養親必備甘旨年七十居母喪哀毀病  
卒

何敬曾字省吾舉人性孝友早擅文名年十五失恃痛不欲生  
甫冠卽捷南闈壬戌會試中明通榜例卽選教恐疎視問出  
闈先赴父任續父歿吉州任曾哀毀骨立扶襯南回蔬食三  
年不入內室孝養繼母如生母兄弟七人最相友愛年三十  
四卒

王廷謨十五都人性至孝時左帥兵急以庄田書券許佃人令  
負其父謨自負母得免至今人呼爲孝田

黃應杭十五都人母病二十餘年每劇轍嘗穢不惜身力母歿



哀慟不離棺墓

施有依事母至孝不惜身力

施英賢孝事二親不惜身力家貧爲人傭作不缺甘旨

陳廷選例貢素性純孝母病不惜身力

章乾十七都人幼從同里施達講學於天柱峰以孝友自飭父母喪各廬墓三年

江宗榮性至孝親有疾百方調治不惜身力有司上聞詔旌之孫定事母不惜身力父歿廬墓三年乾隆四年崇祀忠孝祠

陳以敬國學生事母至孝不惜身力教弟入庠

徐有問十四都人母甘氏患瘋疾湯藥親進起居親扶母卒哀

青陽縣志

卷四

人物志

四十

毀骨立吳宗伯襄給匾嘉其孝行

徐日暉字景星十四都人少孤孝事母羅氏調貧卹急以遂母意友愛兄弟終身不分鬻暉卒妻羅氏事姑孝教子成名

程世普十七都人選授主簿父歿廬墓盡哀捐建拱秀橋周村埂等橋

江原昭篤孝友同胞五兄弟昭出繼與伯爲嗣生養死葬曲盡孝道

孫開忠太學生敬兄孝母撫諸姪成立築城建學董率勤慎子雄飛庠生

江宗瑚太學生少孤母苦節孝養懇摯遵母命焚券以子周開

贈文林郎

江旻周郡庠生父母早喪篤於友愛兄病不惜身力

董應福兄病瞽福親扶持教姪成立

沈肇昂事母至孝不惜身力

沈國幹太學生父客荆湘母王氏患痼疾百方調治不惜身力

江榜年少失怙事母至孝不惜身力兄弟式好無尤

江德蕙少失怙事母至孝母卒終身不茹葷

沈名芳胞兄大方事累代坐獄後得釋崇正年間邑令鄭元昭

給額

庠生沈瑛事親不惜身力父母俱享高年

青陽縣志

卷四

人物志

四一

徐中時字楚玉邑庠生十四都人事母至孝母哀喪毀骨立廬墓三年

陳紅日性至孝家貧養親必甘旨歉歲減食以周貧苦年八十有八恭領粟帛始一入城市

徐州綱十八都人孝事親與弟州繡友愛王邑侯給匾旌之

懿行

明

方志高成化二年銅邑歲饑捐穀千石往賑郡縣褒之

方俊二十四都人成化十三年歲饑出穀千石以賑鄉里當道褒其好義

施懋施憲十六都人兄弟均樂善成化元年均捐穀二百石以賑鄉里

施濱成化年歉曾捐穀救饑

施梁宏治年歉曾捐穀救饑

程瑗有厚德宏治元年嘗捐賑穀千五百石

青陽縣志

卷四

懿行

四二

方時素稱好義宏治壬子歲捐積穀賑饑

陳天時以敦行孝弟好義樂施舉宏治五年鄉飲大賓

方燦有厚德正德四年饑捐穀千石賑之壽八十孫懋舉於鄉叅議方新御史方仁皆其裔也

方校好義能周卹鄉里嘉靖十三年輸千金助修郡學

章世貞二十一都人隆慶年附貢敦篤好義修橋路置義塚周貧卹窮費皆以千計子孫世列宮牆元孫道鴻翰林院編修

張駟龍七都人家貧力耕養親父歿廬墓堂姪孤爲聘娶親族

貧苦咸蒙周全

陳夢周事親稱孝老猶孺慕嘗捐穀煮粥賑饑

王友聞十五都人永樂二年歲貢以孝弟任恤稱生平好善樂施

章時阜負俠尚義隆慶間捐穀賑饑變產造橋萬厯初舉鄉飲陳懋詣少失恃事後母以孝聞與諸弟多義讓遇公事恒自任左兵南下率鄉勇守禦保全一方又嘗散穀施粥置棺構建義塚

何大廉字定川上圖人孝友慈祥周急濟難時有婦人爲夫累稅擊獄變產三十兩完納不期失脫乘夜抱子泣投仙源井廉本貧盡將妻劉氏粧奩兌充得釋萬厯年邑侯張舉鄉飲大賓錫額年八十八預服大賓冠帶無病而卒

青陽縣志

卷四

懿行

四二

李儒林十一都人孝繼母撫幼弟性耿介鄉黨重之

陳儒可早孤事母篤孝

江瑗五郡庠生事父至孝每遇歉歲出穀濟人

施舜臣太學生萬厯十六年歲饑捐穀二百石助賑

方一端立品方正內行醇謹萬厯四十六年舉鄉飲大賓

徐文忠字童乙十四都人明處士博極羣書尤邃於易與陳獻章先生爲莫逆交著有周易要義生平好倡義舉建永堅東陽諸橋遺址猶存其子俊孫國輔俱顯官以下五名俱十四都人

徐文漢字禮四慷慨好施周濟孤貧資助婚喪子璟孫琇俱顯

宦石埭李廷璋作傳贊之

徐國康字伯甯少攻舉業家貧孝親勤儉供奉

徐正美字汝成性醇樸古處是敦受忤不報子閔明有父風孫文彪曾孫慶雲步雲俱補博士弟子員

徐章字漢臣太學生考授州同性慷慨仗義樂成人美與兄庠生亮弟國學京每歲冬出粟并棉衣以濟里中饑寒

徐國佐字鼎臣邑庠生輕財好義應鄉試夜寓旅店聞店右有女人哭甚慘詢其故知其夫以客帳將鬻婦以償國佐憐之出金全其婚

章元紀素行好義貧乏給米施衣縣尹嚴給匾曰尙義

青陽縣志

卷四

懿行

四四

徐正都十四都人邑庠生幼失怙事母最孝母老不外出朝夕奉侍

陳仕晟天性純孝穎悟過人與宋濂劉基友善以母老終養不仕其子清孫邦愛夢龍明廷俱顯達

陳明璜字廷珍性孝友兄病必親侍湯藥衣不解帶手植丹桂于庭子孫蕃衍至百餘口無間言

徐岱十八都人拯恤貧困嘗遇鬻妻子以償債者捐百金以贖之後舉鄉飲大賓

徐材十八都人散財濟貧修橋施榘

徐鈴十八都人性好施與周濟貧乏捐修橋路舉鄉飲賓

章叔仁二十四都人字元儀成化丙午捐穀千石助賑知府以例詳給七品冠帶宰相王公俱嘉其世受 國恩克繼祖義民章禧遠爲表其閭曰世恩堂副都御史董公傑有世恩堂序

江廸湖十七都人天寶十四年饑出粟萬斛賑濟事聞 詔旌其門

陳有讓十三都人成化洪治間屢施穀賑饑上憲奏給官帶嘗建縣東清河橋考坑橋菴又助修妙音寺崇真觀等處子倣傳正德中並賜冠帶孫珣珊瑚嘉靖中並賜冠帶

陳譚十三都人字維靜家貧幼耕東山下見有枯骨輒爲掩埋

青陽縣志

卷四

誌行

四五

里有紛爭捐囊解之嘗建東溪亭善成橋側嘉靖丙戌賜八品冠帶

陳世鑑十三都人萬厯戊申輸粟濟荒總督糧儲徐公民式巡按王公國楨贈有大義可風匾額邑侯傅公賓舉鄉飲大賓贈匾曰義方嘉德子萬獎萬中亦常建善成橋

陳昊字永高十三都人創修縣東橋鑿挑坑石路正統丁卯歲饑捐粟百餘石以賑

陳夢騷字樞鳴十三都人居家孝友好義樂施享年九十有三屢舉鄉飲觀察溫公給匾曰杖朝待誥子治策安策俱郡庠辛亥歲歉捐粟三百石賑饑

王龍二十一都人謹厚好義嘗施藥物以濟人急萬厯九年饑出穀助賑府憲旌之

章廷考二十一都人篤志讀書隆慶間施粥給衣舉鄉飲

陳明璵十四都人字輝廷天性孝友慷慨好施萬厯間歲祲散穀四百担賑饑

胡功孫少喪父母貧無以殮同里羅勝二爲之殯感其恩遂服勤於羅氏洪武初勝二爲里長相隨辦糧以違限應論法功孫念勝二年老遂任遲延之罪而勝二得歸今羅氏世祀之於宗祠

章伯通成化二年饑出粟九百斛備賑知府以例詳給七品冠

青陽縣志

卷四

懿行

四六

帶榮之

江鈺成化二年饑鈺出粟五百石備賑知府以例詳給七品冠帶

李環山敦行家庭任恤隣里正統中歲饑出粟三百石助賑有詹姓者迫於償將鬻妻環山爲償其逋復給衣食乾隆二十二年詳入孝義祠

羅連樂施子多修建子致鳴繼其志嘗出穀助賑有司給冠帶榮之

甯象辰天啟甲子貢博學善詩文歲饑施粥於路全活甚眾陳良象賦性樸實嘗客淮上有同寓甯國盧姓者素不相識時

患重疴將橐金百餘囑代收盧卒卽歸訪其家還之子增壽  
基仁亦多義讓

江鍵幼讀書敦實行嘉靖二十七年貢生任湖廣鄖陽府通判  
致仕歸檢父所遺舊券皆召其人還之

本朝

徐國鼎字調元舉人仗義好施嘗捐產贍族歲歉助賑

吳仕範字正甫九都人性篤孝侍母疾衣不解帶歲歉施粥賑  
粟修黌宮葺橋梁禮賢好士以子文梓榮封兩舉鄉飲大賓  
吳日光字明甫敦孝友操履修潔周恤緩急睦宗族整宗祠舉  
鄉飲大賓年九十無疾終以子襄誥贈

青陽縣志

卷四

懿行

四七

王尙詳孝事繼母悉焚借券歲歉出粟賑饑

王景字再介事祖父母及母克盡孝道嘗施粥米以賑饑荒有  
司旌之

甘名揚字惟士貢生性好義乾隆丙子歲歉嘗捐穀百二石以  
濟鄉里施棺修路舉鄉飲大賓

劉必融字明有敦行樂善好爲義舉造鎮華橋輸千餘金輸蓉  
城書院田十畝又出金移建郡文昌閣戟門左舉鄉飲賓子  
貢生世昌步雲以彤家言復於乾隆四十年移建郡文昌閣  
於櫺星門左生員瑤琢定邦世世承修

章大用二十三都人國學生考授州同好施予助婚娶喪葬人



頌其義

柯廷琦九都人好義不吝捐修九華要路橋梁行旅稱便

方之儲附貢生仁厚恤貧乾隆辛未丙子兩遭歲歉變產買穀以濟鄰里

羅鐸字稼書貢生少工文兄弟友愛乾隆戊辰丙子兩遇歲歉捐資助賑並買穀減糶子鴻緹瀚揚休俱顯達

王敦合十五都人貢生考授州判性好義周濟困窮嘗捐田屋於蓉城書院後田屋被人侵吞其子希賢又照契繳價於書院乾隆丙子丁丑歲歉減價糶米以濟

吳兆日字敬之友兄弟讓姪產順治戊子己丑連被捐穀賑饑

青陽縣志

卷四

懿行

四八

肄業國子監授經歷職

李特達字之千十一都人庠生好學植品康熙癸丑歲歉捐穀助賑邑稱厚行

汪良蛟慷慨好義重族情友誼孤苦兒女零落悉爲成全後舉鄉飲

徐元亮十四都人字朝臣家貧業儒雍正元年路捨崔萬全遺金人參盡還之無德色

謝尙文國學生還拾遺金仗義好施乾隆丙子歲歉變產助賑人賴之

陳士鳳十四都人字子翔性樂施製絮衣施藥餌橋修梁子書

廩生德英撰俱郡庠

吳文南九都人歲貢生孝友誠恪子大信以誠俱舉鄉飲賓

陳虎臣字天柱十四都人庠生孝事繼母友愛諸弟歲歉捐粟施續以助貧乏

羅人龍十九都人篤性好義于朱家渡造船濟涉子世甯重建明倫堂及泮池又修白沙嶺橋

陳雷鳴字震卿十四都人庠生性孝友弟早亡教養孤姪敬宗成立

陳啟璞十四都人性友于胞弟三人俱早逝保節撫孤鄉里有無緩急不吝

青陽縣志

卷四

懿行

四九

羅尙修字以敬國學生捐穀濟饑施棺助葬以好善著

何繩楨字祥生上圖人善事父母長兄貧楨爲償逋飲助兄歿奉嫂撫姪里有兩世一子鬻爲僧者楨贖歸代娶貸者少窘卽焚券資助

徐瑄字琚右十四都人庠生操行仁厚積穀濟饑修橋路給棺榘無德色焉明亡不薙髮冠帶樓居六十年康熙四十二年甲申卒於樓享壽八旬有七康熙甲子重建方門橋

王應瑞字孝甫十五都人操行端方嘗宿金陵南關拾汪姓遺金追數十里還之其人願分不受

孫正梁少孤事祖孝謹事叔如父母有母子以負官帑私逋欲

輕生者正梁捐三十金以周其急

王龍光字汝文十五都人性恂謹施茶掩骸散穀濟饑

孫思畏下圖人國學生性篤厚歲歉捐穀二百石助賑

王璧性好義隣有鬻妻者璧捐金完聚

陳言字如綸敦實行歲歉周鄰里人稱長者

王紹茲十五都人庠生行誼肫篤有貧者鬻妻償逋出資贖之

周濟貧乏

陳自復字見心十四都人操行端正恤孤救困

王應禮字二聞十五都人幼孤孝母江氏督弟讀書成名歲歉

出穀百石助賑

青陽縣志

卷四

懿行

五十

劉大傑字漢三七都人考授州同兄弟友愛歲歉捐助

陳洪讜十四都人貢生年十三母病衣不解帶乾隆辛未丙子

歲歉捐穀濟賑

徐翀上圖人儀徵訓導培植學校老歸里助建文昌閣崇聖祠

輸田五十餘畝爲學宮修費更輸田七十畝以贍貧族

徐侗字心原上圖人附貢生性樂施予歲歉捐穀助賑雍正辛

亥修建學宮輸資襄事

徐復興十四都人字公起幼孤性樂善歲歉捐穀濟族施衣掩

骸

王飛龍十五都人字叔升性肫篤弟被誣涇邑飛龍代行子正

亮年十四泣訴於涇庭得雪嘗自買山推一穴葬亡弟  
王正祥字明瑞十五都人國學生學士懿修本生祖性孝友因  
兄正亮舉子頗晚以冢子伸丙繼之兄弟同居至老不分周  
貧乏助喪葬以孫懿修貴受封誥

陳自恁十四都人慈祥好義捐穀賑饑

王志尹十五都人附貢生周貧恤困掩骼濟饑梅塘橋圯捐金  
百五十兩成之

孫思棠下圖人字召詒贛榆教諭工詩文性好善有鬻孤子爲  
僧者贖歸之周全窮苦尚義行

李鍾秀十五都人性好義掩骼施棺修橋亭

青陽縣志

卷四

懿行

五一

章能武二十三都人庠生乾隆丙子歲歉減糶濟貧郡侯寶甯  
給匾曰恤行可風

甯峻第上圖人字愧額事繼母至孝歲歉出穀助賑不吝

甯峒字聚五十一都人優貢生植品敦行好施濟乾隆癸亥春  
饑散穀千餘石丙子歲歉減價糶米千餘石卹災周急舉鄉  
飲大賓

陳大昂性廉介歲歉捐穀寒施絮衣

賀逢昌國學生性長厚乾隆丙子歲歉曾出米二百石助賑  
王之珪字子玉孝養孀母母歿廬墓恤族急公輕財好義

甯文濟字子畏孝友好義教育孤姪如己子俱名列於庠乾隆

丙子歲歉輸粟百石助賑

曹一嵩貢生謹飭慷慨乾隆庚申辛未丙子三值歉歲共捐穀千五百石助賑有司 旌之又建延壽亭修路施棺助喪里人頌之子如利亦善繼父志修路施棉獨力修建東溶橋邑人孫桂有記孫先得辛卯科武舉先舉先律俱入庠

江紹坤下圖人國學生幼孝繼母與弟友愛歲歉助賑米百餘石晚年盡焚借券倡修城隍廟

王嘉謨下圖人附貢生品行敦厚嘗焚借券千餘金乾隆丙子歲歉曾捐銀二百兩助賑

賀成佐寬厚有才善爲隣里息事解爭歲歉助賑千金

青陽縣志

卷四

懿行

五二一

孫思恭字公肅積學力行捐建儒學東廡乾隆丙子歲歉出米百石助賑卹宗族施絮衣每歲不廢

袁化龍下圖人質樸孝義歲歉出穀濟之周急焚券年至九十有三

章廷才一都人貢生孝繼母乾隆丙子歲歉出穀平糶有孤子羈江西爲代尋歸里完婚

汪世珍純樸孝母有客同舟分路時舟子誤發油一桶內藏金四百兩急追還之

徐光佐幼貧負米養親晚歲恤族周鄰乾隆丙子歲歉出穀二百石助賑每冬給米施衣爲常

王友益十五都人救貧濟饑修理橋路嘗率子綸經純在九華化城寺東購地建太白祠豎坊表置祀田其冢孫道更建兩廡碑亭迄今子孫世加修建郡縣高其義請陪祀太白祠何清裔上圖人捐金建名宦祠

曹榜字侶塘十一都人廩貢生性敦厚助貧士膏火捐祭產飲婚娶埋枯骸代償急逋以全夫婦

謝尙廣性孝友資助兩弟捐穀濟貧息爭排難

曹纘祖字載功國學生捐穀濟饑息爭解訟捐助學宮書院謝宗爛樸誠孝親周濟鄉里乾隆四年八年歲歉捐資濟乏

謝宗譽字貴臣性孝友修路便行乾隆己未癸亥共捐穀三百

青陽縣志

卷四

懿行

五三

石濟饑又散穀數百石濟族其子貢生君榮乾隆乙亥丙子連歉亦散穀施米善承厥志

曹定鵬字西美貢生乾隆丙子歲歉按口賑族子龍文鬻產濟饑負券不追

曹樹滋郡廩生十一都人儒林曹繩祖之子七歲時拾遺金守終日得其主還之及長尤多懿德亦負文名

曹之顯秉性敦厚周恤鄰里歲歉助賑順治十六年舉鄉飲賓鄭禧周字公祐七都人同知職性善喜施春鑄農器以貸耕者製絮衣以給貧寒

謝嘉生字俸先十一都人孝事繼母仗義輕財康熙戊子歲歉

變產助賑雍正二年散穀二百石濟饑

曹定鶴字鳴九力行善事每歲終輸穀散貧乏歲歉施粥施棺凡貸不能償者輒焚其券

阮大仁十九都人事父至孝不惜身力父歿廬墓歲歉捐穀百石助賑將歿盡焚貸券

蘇盡生二十三都人庠生變產濟饑捐資建公祠

朱永景字旭初九都人貢生孝親恤孤乾隆丙子歲歉輸穀助賑鄉有高源壩圯獨力成之遠近資其灌溉

甯芬字自芳十一都人貢生性樸誠恤鄉黨乾隆八年春凍餒芬捐穀六百石助賑

青陽縣志

卷四

懿行

五四

甯元音字鳴鈞貢生考授州判乾隆八年捐穀六百餘石助賑

省志誤作元英

阮大蛟十九都人貢生父歿弟幼教讀成立周饑絮寒

何白迥上圖人性孝友礪操修好義助賑

江道濟字旭功急公好義收族助貧乾隆十九年歲歉出穀減價平糶又嘗欲建義學於黌宮側未果子自珊承父志率姪宗泳宗治學書成之計費二千餘金又捐銀五百兩爲諸生膏火大憲聞其事於

朝議叙自珊授主簿職

柯志洪字守約樂善好義乾隆丙子歲歉出穀百石贍族

王烜國學生考授縣丞捐建石橋未竣歿其子世圭成之  
施爾雅庠生忠厚謹慎入學七十餘年閉戶教讀乾隆辛巳辛  
未兩受

黃德輝孝事繼母助人喪葬拯饑焚券

沈秉道國學生十七都人孝繼母友幼弟輕財好義

方士偉貢生二十一都人質性寬厚見孤寡貧苦每多周恤

雍正八年乾隆二十一年兩次歲歉捐穀二百餘石以賑饑

民

施秉道監生十六都人好修造恤貧苦每遇歲歉出穀賑饑

青陽縣志

卷四

懿行

五五

施時豪生員十六都人孝順繼母友愛兄弟丙子歲歉曾捐資

濟賑

劉廷英貢生性好義輸膏火田於蓉城書院歲歉出穀賑饑又

輸銀一千二百兩修永利橋滙源橋子士元例貢克承親志

里人稱之

阮有傳十九都人秉性純雅素履端方戚縣令錫以蓋鄉碩德

匾額

徐效勛十八都人增生事親孝敬年七十母猶存視問不間母

歿廬墓終喪

徐日烱廩生恬靜無爭與兄庠生日炳友愛撫姪教誨成人



洪德懋庠生好義樂施借不求償謀不倦

宋

羅什萬家饒好義寶元二年募民入粟實邊以粟十萬斛進都  
勅封崇萬氏賜立義亭于延村

明

劉果字士寬性好善有鄰家子遇瘟疫父母偕亡無依果僱乳  
婦撫養成人焚文券數百紙子恩孫圭元孫光復俱顯達

錢文俊字士英號鳳洲博學工詩文慷慨好施天順年間舉鄉  
飲賓

汪清貢主家貧好施冬喜施絮路遇輒解衣衣人

青陽縣志

卷四

懿行

五六

劉縝字慕惠性狷介周急難有貧不能葬者卽賻之嘗以忠清  
勗姪奉嘗公

劉綬例貢生八都人素好學義舉多樂成之

姜大望字景山悞娶有夫之婦爲妾刻卽遺還會捐建杜村石  
橋後圯眾姓改建鎮華橋

劉綬祚字彥伯耿介好義遇歲歉平價減糶恤窮焚券二子紹  
挺文燄俱入邑庠壽躋九旬

錢若順字茂之周恤困窮修橋補路鄰姓火災按戶餽粟凶歲  
捐穀賑饑

張仕榮字甲先監生歲有常積周窮年八十邑令孟爲文褒之

子貢生廷棟常施棺給絮

劉源考授州同職性好善歲歉捐穀濟饑兼出資瘞葬

錢若進字進之孝父母睦鄉里宗伯吳襄詩贈之

姜邁先授同知職遊京邸拾楚客遺金追而還之

劉炳文字明遠和睦鄉里康熙四十五年秋水災捐貲掩埋枯骨

錢若華家至貧拾遺金還之好義樂施敬禮師賓

劉紹援解衣推食歲以爲常息爭解難

羅藜光監生雍正五年鬻田賑濟早稻初黃盡艾濟饑

劉紹栻字柏園邑增生敦睦宗族嘗捐粟襖乾隆元年錫八品

青陽縣志

卷四

懿行

五七

冠帶壽九十四

姜振先字繼聲施榑給襖調恤族隣歲饑平糶設賑家訓嚴正

劉紹桓字松侶邑庠生性倜儻好施予雍正五年傾廩賑饑

錢若登家貧丁眾有棄子于河收畜之撥給田產太史朱夢麟

曰古道照人

劉必誠字宇參敦謹樂善歲歉蠲穀賑饑

汪吉先有嬸母臥病失火奔從烈燄中負出衣髮俱爛治家嚴

切子孫非奉命不敢坐

錢若衡字仲南年二十五貿粵訛傳覆舟死妻吳氏遂歿終身

不再娶舉鄉飲賓

姜聖生考授正八品修治橋梁道路建 關帝殿

錢貴祥好義樂施凶歲捐穀賑饑施粥湧泉亭

劉其發字敷五監生和睦族鄰賑饑三次又置白雲居義田以贍族臨歿囑修滙源橋子監生廷勳等捐千餘金以成父志

錢國旻字日文豐年增價積穀饑歲減價使人施粥湧泉亭年九十一錫八品冠帶

劉必棐字篤臣秉性仁厚乾隆二十年捐穀賑饑壽九十有八受

皇恩二次

錢正遜字謙若號屏山貢生編修程晉芳有墓誌銘資寒峻膏

青陽縣志 卷四

懿行 五八

火有盜竊其蔭樹獲之憐其苦不究反贈以粟盜感激改行建通華橋壽八十八

姜俊升監生素行方便乾隆丙子出穀平糶邑令孟為勒名旌善亭

俞永泰字吉生授州同職睦鄰濟貧年九十四歲

錢國陶施棺瘞殮敬禮師長子正佐衿貢生

羅世興荒歲賑濟冬給絮衣

張宗興字良臣監生家饒好施壽七十有九

錢彭祥出粟賑饑

俞國聘字天會授登仕郎族有鬻子為僧者代贖之有債迫去

妻者爲償債邑侯聶作序贈之

余懃堂出粟賑饑

章文昌二十三都人正德三年以處置銀兩接濟工程等事吏部勘合劄付給以義官冠帶

李瓊奉孝父母修橋路助塘資祭

章效正德五年歲歉出粟賑濟有司詳給冠帶建橋築堰子芥

遵守不替

省志作張效誤

章廷誥寬慈好義順治二年歲歉施粥濟貧

章溥生郡庠生篤實行義睦鄰族濟寒儒

章光恩字榮先重葬倫惠鰥寡還遺金

青陽縣志

卷四

懿行

五九

章道謙字濟行郡庠生勤學諄誨恤寒儒善擘窠大書急公事和宗族

李昌字克甫有義行嫂徐氏早寡撫慰終節族貧貸不責償

章一俞素行敦厚康熙四十八年歲歉助賑建拱橋周恤貧乏李臣字鈞甫養撫孤寡賑濟饑寒壽九旬雍正元年恩賜冠帶楊元泰貢生寬厚好施歲歉助賑

李維環字運玉長厚好義撫孤扶弱周濟饑寒

章大受邑庠生兩遭歲歉出穀數百担助賑鄉里貧乏時常給予

蘇斌若諱憲庠生慈良慷慨周恤貧乏立義學助賑修橋

錢瑞祥性篤醇好義

江大儒字上珍一都人性廉潔不入公庭勸爭息事一切借券悉行焚燬

方懷德例監考授州同與兩弟每歲有公產穀十石周貧困劉是心字去非奉祀生員七都人恤宗時隣撫姪輸銀宗祠永給族人入學藍衫捐資建造水口武廟

劉聖猷字簡臣號敦齋七都人邑庠生慈祥愷惻批田贍姪乾隆丙子歲歉輒傾倉廩賑人

鄭廷選字君銓七都人監生性慈愛好周恤乾隆壬申丙子兩次歲歉捐穀濟人

青陽縣志

卷四

懿行

六十

章大顯七都人監生考授州同職好施予歲饑濟荒里有露死者給以棺木

闕劍佩七都人渾樸好施建菴築造水堰

鄭鳴福七都人性孝幼喪母父病躬奉湯藥朝夕扶侍父卒廬墓三年

洪乘木二十一都人歲貢候選訓導秉性仁厚仗義好施乾隆丙子饑出穀助賑府憲旌之子文在國學生

錢志遙二十一都人邑庠生博學工畫幼弟無依分已業資之錢紹濂郡增生二十一都人勤學能文仗義好施

方文裕二十一都監生好義樂施乾隆丙子饑出穀助賑又設

局施藥人受其惠

章我武二十一都庠生每歲臘捐穀數十石賑給族貧婚喪  
方廷棟二十一都監生父病服侍不懈代族償債

章奇象二十一都好義敦倫周貧恤乏順治四年饑捐穀助賑

史憲匾額 旌之

牛學璣一都人貢生幼失父矢志成立孝母撫姪居鄉濟貧學

憲梁給以年高德劭匾

徐家源府庠生上圖人事父至孝合族俱以孝稱

鄭台周性好善乾隆丙子歲歉減糶濟人

周大棉字茂生少時貿易排難息爭捐資建造

青陽縣志

卷四

懿行

六一

鄭聯生字芳一候補典籍好善樂施屋傍石橋獨力建造

吳慶功監生少孤奉母至孝叔父母貧老無嗣功供養膳戊辰

歲歉散穀四百斛有陶姓鬻子爲僧功爲贖歸

柯英字益能太學生孝友性成輕財仗義乾隆丙子歲祲出穀

贍族郡尊寶憲邑侯孟憲聶憲俱給有額

柯夢蟠幼孤事母盡禮母歿廬墓遇古塚立碑戊午秋拾遺金

還之儒學教諭王給額

柯永祚貢生慈厚謹飭行已端方生平無惰容慷慨急公管理

社倉數十年積穀豐裕安撫陳 咨部獎給八品冠帶歲歉

減價平糶孟邑尊贈有誼敦桑梓額子克家元震鼎謙皆有

父風

鮑復恂以邑庠肄業成均樂爲義舉出穀賑饑天啟甲子恩貢郡侯潘應龍贈有華國名儒額

吳士卿字首山謹厚敦睦慷慨好義遇歲歉周濟貧乏焚逋券壽屆九旬邑侯舉鄉飲大賓

吳翮太學生幼失怙讀書承家敬諸兄撫諸侄遇歲歉出穀平糶

吳文式性孝義父疾嘗糞父卒哀毀嘉靖戊子歲荒捐粟賑濟蒙給義官冠帶孫鵬翥邑增生年躋九旬乾隆元年蒙

恩賜八品壽官

青陽縣志

卷四

懿行

六一

吳世楷忠厚樸實與人無競周恤貧乏康熙十三年舉鄉飲子國訓國詡皆入庠孫六人入庠

吳國調邑庠生性坦白有才幹濟貧周急兄弟友愛子孫昌達柯世福字德成家貧重義嘗拾石邑湯姓遺金覓其人還之無德色

吳國瑤字次玉號西園太學生少沉慧讀書務敦操履性嚴重取以義兄弟宗族友愛敦睦以子泰龐教諭貤贈修職郎以孫慶英知縣待贈

朱德風性孝友耿介好義歲歉賑恤貧困焚貸券敦倫睦族課教子孫居家儉約壽九十八歲兩蒙

柯世恂字子如慷慨好義於九華一宿菴捐資造橋屢被蛟水傾圮修築不替

柯夢璿字在衡郡廩生家素貧舌耕孝養重名節輕資財

吳泰周字天度耿直好義取與不苟鄉居八十五年足不履城建修橋路封記無主厝塚課教後嗣六子九孫從無與人言辯者

朱德璘孝友端方好善樂施修理橋路掩骼埋胔歲祲捐穀施粥勸解爭訟前憲兩給匾額

柯廷蕙字次蘭邑庠生孝友慷慨歲歉出穀贍族於九華迎仙

青陽縣志

卷四

懿行

六三

橋北輸山關路前提學謝 給德配華峰額長子貢生永祚

次子監生英五代同堂

柯廷鑑家貧好義丙歲祲鬻田贍窮修築道途往來便之

吳中英工詩文食廩餼孝友睦嫻二子駿聲駿烈均入泮

熊蜚鴻附貢生性至孝敬宗睦族捐資急公

吳翀字翼雲邑庠生性明敏和睦族黨勸爭解難族人推重

吳徊字約三邑庠生孝事繼母好義樂施雍正丙午歲饑減價

糶穀

吳廷獻郡庠生性孝友晝耕夜讀撫二侄給田產己丑歲歉出穀賑饑



施成轉太學生慷慨嗜義歲祿平糶施棺給貧同里吳宗伯贈  
以德并華峰額子監生仁政

陳嘉猷字禹功十四都人國學生與鄱陽太史史珥高壩訂交  
晚家居歲歉救饑妻沈氏鬻簪珥助之

陳啟樞輕財好義捐資助葬施帛禦寒

陳光顯國學生性沉默好施予

陳儒字汝爲庠生慕義好善時行方便

陳廷揚庠生秉性端方詩文自娛少有黃香之譽

徐成諍字廷幹好義樂善施絮施茶掩骸埋骨保守族祖養正  
秋鶚之先墓尤力焉

青陽縣志

卷四

懿行

六四

陳廷元字舜敷孝友端莊啟迪後學訓子義方

陳明理慷慨好施賑濟貧民訓子義方

陳文蔚字季豹號望麓治詩入泮端平正直

陳鍾字右黃言行醇篤嗜學工詩邑令楊器重之

陳啟迪號克岐孝友嫻睦敦尚氣節

陳明通號自然端潔公平前邑侯獎以鄉里推重

陳大耀字道章事親孝友訓子義方周濟窮饑資助喪葬

陳文彩字鳳如貢生孝友好義克承父志歉歲減糶邑令孟公  
獎之子庠貢可獻國學朝獻

陳勳元字又功年十五登庠序性慷慨好惠濟

陳光第字漢三貢生兄弟友愛同升庠序好善樂施其子洪元捐田入蓉城書院

曹夢桃十一都人務農力作孝養父母恪謹平恕子雲玉孫正榮庠生

章正宰二十一都人好義樂施歲歉出穀助賑修葺橋路恤孤憐貧子庠生自超

王騫郡庠生周貧恤孤子庠生

王炳太學生康熙四十七年饑捐穀二百餘石府憲旌以尙義可風每歲暮備穀十餘石給族中貧苦

王世圭貢生素篤孝義買棺助喪修葺橋路周濟孤苦乾隆丙子饑捐穀三百石助賑府憲寶公旌之

章維邁敦篤友于親睦宗族乾隆丙子饑捐穀二百助賑府憲旌之

章應昇庠生少孤善事祖母節母周貧濟急

王鶚好善樂施息訟排爭施藥施茶郡憲獎之

章允升太學生考授縣丞少孤孝母捐資建橋濟饑扶困乾隆辛未丙子助賑各五百餘石府憲旌之

王士超太學生謹飭勤慎多行義舉兄庠生士玉病衣不解帶捐資開河百十丈里人攸賴

王世勛生平謙謹乾隆辛未歲歉捐穀助賑邑編修吳名兆雲

以譽隆族黨贈額

方逢筐謹厚勤儉不吝施與年九十餘乾隆三年以例給八品頂帶

王延悌善承父志周濟貧苦臨終悉焚借券二子永坦永堅入泮

王家仁庠生少孤孝母江氏助棺濟貧解紛排難乾隆三年戚邑侯給風雅高騫匾

王企祖少孤正直和平周濟困急訓子仕入庠乾隆元年九十七歲蒙

恩榮八品頂帶

青陽縣志

卷四

懿行

六六

王正繩字用周鄉飲賓賦性孝友慷慨樂施順治甲申乙酉丙戌饑旱每年出穀二百担賑饑乾隆六年旌表建坊

陳治策字誼伯十三都人郡庠與弟安策事親至孝兄弟友愛好施予康熙辛亥捐穀三百石賑饑

鮑錫悌字允恭十三都人慎言語重交遊無傲色排難解紛濟緩急施粟衣

鮑鸞十三都人貢生父母病衣不解帶孝事後母好義輕財築本村迎龍壩南沖口橫水諸堤利賴甚眾

鮑梓甲字乾若十三都人性醅樸崇實行友于季弟贍困濟乏河決鮑村關帝廟捐資修葺

陳德煥字文甫十三都人事母至孝親爲扶持父卒于外扶視歸奉養季叔過濟甯見有負債自經者救而代償尤喜解紛排難

陳九元字仲行十三都人好善樂施周濟困乏焚逋券子洪赦繼之

陳慶壽字孝公十三都人少失恃與幼弟相友愛父疾嘗糞後精醫術施藥濟人助人婚葬焚逋券子聖言遊郡庠

鮑翔字麟書縣庠生十三都人博學工文排難息爭弟兩喜好義樂施

鮑洪漢字雲章十三都人貢生友愛撫姪食饑衣寒康熙辛卯青陽縣志

卷四

懿行

六七

捐資重建慶恩寺前堂又修天台東渡九華鳳林佛刹邑侯戚給善行屏文

鮑洪助字立之十三都人慷慨樂施捐穀賑貧好義自重無疾言遽色邑侯孟公以德義可風額獎之

陳尙迢字遠仲十三都人篤孝父母兄弟同居白首無間邑侯張公以文範紹美匾獎之

陳順隆字遇祿十三都人好義周急排解爭訟縣主秦公棟獎曰不愧貢筵舉鄉飲子天喜繼之

章文棟十三都人幼喪母事父至孝歲歉施錢穀邑侯楊公舉鄉飲大賓給匾

陳當仁十三都人家貧早孤孝親友弟嘗於途中拾程開遺金二十兩坐守還之

陳四壽字勝周十三都人居鄉好善恤孤贍貧冬施絮衣捐修水嶺岡亭歲歉糶穀賑濟

陳明性十三都人孝義慷慨歲歉捐賑排解紛爭年九十有五邑侯吳公國桂給匾

陳志士十三都人好義輕財訓子有方年至九十二賜加倍粟帛

章茂盛字瓊士十三都人性孝友多義行建造邵村河石橋柯冲嶺懋心亭章姓水口聚秀亭捐穀賑貧鄉人德之諸子入

青陽縣志

卷四

懿行

六八

雍序諸孫讀書好義

袁洪順理宗寶慶三年大禋與伯兄進士洪寬仲兄洪廣共輸粟數千石賑濟有司題請旌曰秀蓉雍正元年恩例崇祀忠

義祠

袁志遂鄉飲大賁性純篤好施濟歲歉出粟助賑置義田造石龍口橋及楊冲柏村石橋凡五處

陳伸元字仲如十三都人温厚友愛好善樂施拾遺不藏邑侯戚公以克紹三多額獎之乾隆元年壽賜粟帛

陳仲遠十三都人正直慈祥解紛難事繼母極孝母病癰仲吮之得愈冬施絮衣夏施茶湯乾隆三十七年壽賜粟帛邑侯

聶公贈匾

陳能安字皖仲十三都人考選縣佐仗義樂施入京加捐途遇故人出橐金周其急而返

陳敏字于行十三都人業儒好義雍正五年災買穀賑濟冬施薪米教子聖佐孫翺均入庠

陳聖昇字雲舉十三都人考選縣丞孝父友弟修道路解紛爭乾隆二十一年饑減糶邑侯孟公獎之

陳烈瑞字希周十三都人幼失怙事母至孝考授八品好義焚券歲歉施粟米郡伯李公暉贈以誼隆桑梓匾額子能得大學生乾隆丙子買穀減糶次啟智孫鳴岡均入泮

青陽縣志

卷四

懿行

六九

鮑式重監生弟一朗庠生兄弟並篤學尙義睦鄉里康熙年間重建天台山中常住菴

鮑份十三都人敦樸孝親敬兄撫姪丙子歲平糶出粟賑恤施棺贍貧晚年購產給三官堂香火

甯三晉太學生十一都人崇正年間流賊擾境約鄉勇守禦巡緝地方賴安散穀設粥施棺槨買義山當事旌曰義隆壁水甯三聘十一都人素窮經學邃於性理萬厯四年舉人閉戶著述歲歉倡捐助賑全活者眾

甯士瑛邑庠生十一都人事親至孝伙助婚喪多義舉甯崧邑庠生十一都人端品行事繼母極孝撫二弟崧峒成立

拯急濟危董修 聖廟併推恩睦族負不索償

曹世倚天啟壬戌年舉鄉飲賓嫡孫曹誠爲甯州知州遭賊陷城率家屬同捐軀殉節後裔奇勳庠生

曹世傳歲歉積穀賑濟天啟年舉鄉飲賓

孫八十施濟乏貧每歲舉行

袁鏞一資助婚喪建城隍廟輸大木五十根歲施茶粥年垂百齡賜冠帶舉鄉飲

謝克遜服賈積資時濟乏明正德三年饑散穀二百石賑濟嘉靖三年二十三年兩次捐穀共計五百餘石邑宰張公牧贈匾年踰九旬

徐天富十八都人仗義急公萬厯年蔡侯建青龍橋與章世式羅孔元共成其事復於橋畔建蔡侯祠後舉鄉飲

甯國佐邑庠生樂施恤貧餽錢贈米釋爭息事教子義方壽有八十

甯之位邑庠生事繼母盡孝嗜讀書家貧有守子宏遠定遠貢生孫多入庠

甯光覺忠義甯駮之孫嘗貿易高涪拾遺金五十兩還失主贈武子遺風匾額晚年修道路建橋亭憐貧恤寡壽登九旬

甯光柏孝事父母友愛昆季樂善周急壽八十有四邑侯李公元標給匾

甯尙齒建造許家橋費用千金南流橋費用數千金倡興義學甯國泰倡義急公子孫相繼入泮

甯洪邑庠生十一都人閉戶讀書郡守喻贈匾

甯瑞邑庠生十一都人賦性仁厚敦倫睦族里人欽之

甯敏求考授州同年歉出粟周濟解息爭訟

甯誕先監生素性端厚孝事繼母造橋修路乾隆二十八年饑減糶賑貧府單名作哲獎以天與善人匾額

甯世殿貢生歲歉出穀減價平糶修橋梁建路亭資寒士府憲張公華年給匾

甯天佑端謹渾厚不與人爭不求償周恤貧苦

甯士喜孝友性成嫂葛氏守節敬恤倍至壽至八十餘

甯占師邑庠生友愛兄弟傾產保全其弟占咸

甯康先邑庠生永禧子忠厚孝友捐墓扶孤遠近稱義

李仲實精醫洪武十七年授太醫院後築上章別業于黃荆山修真養素濟人危

李應春由附貢授兵馬司指揮敦氣誼重志節子可大以孝友聞四可受以忠節著

李翹先邑庠生周恤宗族焚借券

李海山好善樂施歲歉備衣穀賑貧施棺資葬

李乃文例貢生好施與歲終給衣粟綿炭周貧乏歲以爲常



李咨諏每歲捐穀濟貧解息爭訟康熙戊子歲終路拾石邑蘇姓遺金送還之

謝元灑家近石埭博山琉璃嶺蹊徑險窄雍正五年元灑捐金鑿山開道慢以平石週以石欄乾隆三十八年洪水沖塌孫廷揚國棟重開補復輸田一畝六分與寺僧永備修理府憲張公給賞碑文勒石

謝仁壽父邦撫卒于官仁壽扶襯歸里廬墓終喪弟婦守節賴以保全康熙五年于崇覺寺橋頭拾遺金三百兩閱四載客至質實檢還

謝尙成貢生乾隆六年輸腴田十畝設立義學給族中讀書膏

青陽縣志

卷四

懿行

七二

火

謝天麟少孤有弟流外恩鞠幼侄雍正九年永安街飯鋪謝唐被賊竊客天麟鬻產代償

謝成洲友讓兄輸銀百兩修黃荆菴周急焚券

謝英邑庠生好施予施棺助葬

謝璉候選州同捐穀賑荒子嗣元祇承父志

曹叔緒國學生少孤貧賣薪救徽人路病母陳氏性好周濟輒先意爲之施木收墓助建石邑博古橋年七十子嗣禮國學生亦善承父志

曹必立友敬諸兄捐資八百金協建關帝廟輸田八畝永祀

又建立茶亭修石邑博古橋至今子孫悉永修弗替

曹一康二歲失怙母陳氏以節孝著家貧奉甘養孀母調侍母病母歿哀毀骨立子可梅國學生孫函三庠生

徐英明十四都人康熙十五年冬輸粟百二十石衣六十餘件以給饑寒施藥救病掩骨還券

徐良儀太學生其弟良璞良璜友愛相篤兄璧早逝撫幼姪步月中鄉榜乾隆四十年捐資重建徽甯通衢黃沙橋太守張公諱士範撰有碑文又建霍邑五鳳橋以下十五名俱十四都人

徐嘉士孝事母捐資助嫁娶子權輸田五畝爲義產

青陽縣志

卷四

懿行

七三

徐基幼能文仗義正直撫叔遺孤成立養葬外母子英元亦孝友學憲朱公筠贈曰喬梓潛輝

徐翹少孤事母孝歲歉捐穀賑饑

徐經邑庠生孝事父母輕財好義助殯葬捐粟賑饑

徐文焯庠生進士文烜胞弟孝友性生文行並茂排解至公喻大中丞書名于旌善亭

徐中靖邑庠生行已端方孝事繼母撫育孤侄

徐進籌庠貢生性恂謹尤仗義董建村右永堅橋

徐兆麒邑庠生孝事繼母行善捐資

徐昌言邑增生性友愛視伯叔兄弟無異同胞

徐久邑庠生敦行仁義還拾遺金

徐家琚撫孤侄成立延師訓弟後弟補庠生

徐起恩國學生好善客于霍助置義塚

徐本教子業醫施藥救病

徐雷明孝事母母歿哀毀兄弟友愛甚篤捐田五畝七分以助  
公祠祭資

袁國綱性孝友周恤貧乏助友葬設家塾長子蟠龍中康熙丙  
午武舉

孫榮先孝事孀母撫育弟姪五世共煙助建櫺星門勸立義塚  
山歲歉出粟賑饑

青陽縣志

卷四

懿行

七四

孫兆盤孝友性成同煙四世育孤濟乏後輩三登賢書四作令  
孫思永性孝友好義惠濟貧乏勉力辦公

孫煥文考授州同性孝友兼樂施予賑荒歉邑令陳獎之復以  
義舉列名學宮匾額

吳士廉國學生建造雙河口及焦家舖桂家溝等橋重修城隍  
廟大殿造富陽橋菴焦家舖涼亭歲稔捐米施粥修北門途  
路邑令朱書詩贈之臨歿焚借券

吳夢祥附貢生康熙戊子己丑捐粟賑饑施粥助衣食焚借券  
修菴

王嘉馨國學生周困焚券路出廣東還拾遺金丙子歲歉助賑

邑令孟獎以誼敦桑梓

徐家桂字華玉敦孝友撫姪成立又屢修保甯觀前通仙橋三板橋暨橋側路

袁周龍康熙四十八年及雍正五年歲祲助賑中丞張公以孝思繼美獎之

賀逢盛考授州同事母孝好施與出粟助賑製衣給貧助婚葬郡縣屢獎

賀一棟字宇翹邑庠生下圖人性孝友丙子歲歉捐粟賑濟涂大謙監生精醫術性慈仁廣施濟醫貧者不取值侄故撫其寡媳孤兒合爨

青陽縣志

卷四

懿行

七五

賀一枚字思皇國學生下圖人孝友歲歉捐粟助賑邑令獎之何子和字南城上圖人世居仙隱何村明洪武初遷坊市南門周賑一方故巷名仙隱有仙隱坊卒葬城南城子山處州太守程孔昭爲之傳

何其崑字西川幼有文譽好施與嘗貸財鬻產以濟人窘乏年八十有九

何應元字又元庠生侍奉母病孝養備至讀書積行賑荒賑饑修橋修路邑侯傅公賓聘同修萬曆丙午年縣志見施臺臣傳

何應旃字君澤捐資排解周恤困窮

何自豫字由之撫孤恤老慷慨好義其子敦醅素篤友愛痛兄無嗣輸已田以存兄祀次子敦靖性廉介還拾遺金季子敦禮銓選河工千務以親老不就克恭諸兄

何自泓字叔亨救急濟貧研究經史年六十六始舉一子飛鵬六十九復舉一子僉云積善之報

何自明敦宗睦族修理道路捐穀賑荒

何敦臨庠生閉戶潛修捐資濟急郡伯喻公成龍獎以潛修樂善匾額

何從海博通經史尤詳考青邑事邑侯嚴公威錢公瓚兩請鄉飲大賓卒年九十有三

何敦佩字服先孝事母母年九十餘及卒哀毀骨立丙子歲歉捐穀助賑

何繩熙字廷揚國學生卹黨急公乾隆丙子歲饑助賑庚辰年監理修城乙酉年捐輸督理尊魁兩閣俱載碑記孟邑侯給匾獎之

朱瓚字聲玉性長厚重交誼助友困乏

胡正璉字商玉國學生嫂寡遣子承嗣請旌建坊歲歉助賑廬象文上圖人性孝義治親疾不惜身力恤貧屢解紛爭工部

主政章永祚爲撰其行於壽文

盧允卓耿介自持邑侯陳大中獎之

方士元庠生字乾一敦孝友

汪世臣例貢崇正九年荒捐穀三百石備賑授冠帶

許萬里性好義和宗睦族歷任山東青州安東衛經歷生子七  
胡士夔樂善好義散粟周貧樸府憲給匾獎之子國蛟監生考

授州同凡父有義行踵行勿懈吳邑侯獎以望重成均匾

徐巨慶詩書教子處世和平邑侯贈額獎之

徐友聞父喪盡禮友兄不析居好施予修儒學櫺星門龍門

徐家儀字柳溪太學生父早卒事祖謹事母孝友兄弟歲歉助

賑董修 文廟察院考棚碑誌悉載

徐成治字紹五國學生捐輸 文廟察院碑誌載名爲祖母畢

青陽縣志

卷四

懿行

七七

氏請 旌建坊邑令聶侯獎之

吳濟生貧而好善還拾遺濟人急子世音入泮

吳吉儒字希珍一都人郡廩生喜施與延師教族貧者捐金以

贖鬻子

盛文光孝義數世同居遇荒助賑鄉飲二次

江國樑字柱臣樂善人稱長者鄉飲一次

胡可明字德侯捐修百駕橋子大元相繼管理

吳國鳴監生考授州同事母孝買山作義塚

江源郡廩生督學余舉優行年八十有一恭逢

恩典詔賜八品冠帶

譚驊性行仁恕康熙戊子歲歉捐米賑饑

吳吉仕字優仲邑庠生歲饑施粥輸田二畝入儒學

譚國諍貢職性正直有才略捐金息訟出資賑貧

吳望生郡增生封築朽骨捐金全鬻妻者雍正五年乾隆六年  
出穀贈族人二次

江時中性公平助貧修築舉鄉飲

江文教貢生賑饑遺婢不索售金

譚時業前明吏職順親睦隣息訟賑饑

程士耀喜施與歲歉賑穀者三次

程可尉喜施與資婚助葬

青陽縣志

卷四

懿行

七八

牛學潤監生事母孝友弟撫姪不忍析居後管理城工協辦勤  
謹聶憲獎之

江大發事母孝上事祖父妣及承繼叔父妣生養死葬並設祭  
田

吳灏幼隨兄淵讀書後淵成進士因理家政凡里中巨細事悉  
諮之淵同年進士鄭景曜匾額及卒題其墓以上一都

周城十九都人敦倫好義捐金造橋製藥救病

周文鼎監生好施予助族鄰婚娶殯葬康熙戊子歲捐粟賑貧

周文昂孝事雙親敬養繼母慷慨好施給藥濟人

周承源貢生捐穀濟貧又架木橋讓美產還遺金

倪文愷康熙戊子歲饑輸粟賑濟併糾殷實者施粥邑令王獎之

倪廷問素行義舉歲歉輸賑勒名尙義碑邑令沂水陳給匾獎之

甘有洪監生貿易山東有同邑孫姓客亡貸金盤柩以歸又捐金輸浙江王姓家眷十三人並勸各商代僱船隻歸之

阮有聲端方行義郡守給匾旌之

阮鎧出粟賑貧邑令給以匾額列名旌善亭

李世洪孝友好義施棺木造橋梁和爭訟年逾九旬乾隆三年

詔錫八品冠帶

青陽縣志

卷四

懿行

七九

董卓祥二十四都人崇正間捐穀千石助賑捐銀重修儒學百兩建祠捐銀二千兩

章廷芳監生乾隆辛未丙子歲歉賑粟一百二十担每歲冬給散衣米尤厚旌里捐資助建洞仙橋烏潭橋石堰橋

甯獲雋邑庠生苦讀善書能文子步洲

陳方如字象山十三都人早失恃撫幼弟母疾三年不離床榻母卒哀毀骨立嘗過徽郡途遇投水人詢知爲債所逼出金償之

董世楨敦倫重儒好施解鬪

重慶雲監生少遇道人授赤菓醫父病愈賑饑修橋施藥助棺



木製絮衣

章維禧捐資濟寒給種便農焦憲獎之

章克敬庠生字叔和敦倫尚義撫孤保節

王天倫十五都人橋路古刹諸多修舉歲祲鬻產賑濟捐資助  
戚族嫁娶不校侮者以孫一楨貴贈方伯子孫多遊庠入貢  
登科第者

王一民篤孝友出粟賑濟焚券掩骼

王鼎鈞庠生事母孝敦行尚義輸粟賑饑捐資排難

王令謀幼繼胞伯孝事嗣母及本生母仗義樂施其子光宗光  
祖捐田養濟院

王文華庠生敦行好學善訓後進年八十

王家修監生急公仗義經理社穀出納有方

沈仲傑十七都人宋寶元間出粟救饑邑侯裴申請有旨令親  
詣其門作太和亭以旌焉

程瓊成化十四年歲歉設粥濟饑洪治元年捐穀賑災邑令申  
請議授六品職旌之

程俊孝事繼母友讓弟嘉靖三十六年捐穀賑饑郡侯申請職  
授文林郎

程世鸞嘉靖十四年輸穀賑災萬厯年間捐資修高陽橋見邑  
侯蘇萬民許公祠誌

孫鴻禕敦孝義好施予

江宗會太學生丙子歲饑捐穀二次修落鐘潭橋築柯家棚路  
江宗企貢生歲歉捐賑

程德運邑庠生考授州同孝事繼母友愛諸弟康熙二十三年  
歲饑捐資濟貧邑侯吳贈有匾額

江維城庠貢樂善修橋造亭

程九如還遺金捐資勸止鬻妻者子宗濂邑庠生

程步雲邑庠生乾隆二十一年歲歉減價糶穀經營社倉出入  
清慎二十七年倡修沿溪村石路年九十有七躬受

皇恩

青陽縣志

卷四

懿行

八一

程邦彥太學生乾隆元年訪還遺金買妾詢知有夫送還不索

原金

沈書升邑庠生給銀勸止施原鬻妻代贖沈霽鬻子

沈齊就孝友多善行邑令朱之璉贈匾

沈萬錫篤孝友濟孤寡邑侯趙承烈贈額

江萬湄事母孝居憂哀毀歉歲出穀賑貧

江玉齡太學生以孝聞歲凶出錢米周貧歉歲糶穀賑濟

董文焯友讓弟歲終給人衣米年逾八十

沈文衢尚義捐賑享年八十三乾隆三十八年躬受

恩賚

沈天祚置學田給族人骨火又輸田給故庠生沈天桂妻何氏  
撫嗣守節歲饑捐賑

王邦彥例貢歲饑平糶減價訪還徽客積金

江衡監生考授州同母歿殯葬盡禮延師教子弟貧者

程宗洛貢生散理社穀公慎督建書院監修邑城子麟書兆麟  
俱入庠

施王猷十六都人增生歲荒捐賑捐資助修府縣學宮池梁見  
府教陳有集賢錄

施秉達考授州同孝事孀母歲歉出穀周貧焚借券設板橋息  
爭端縣主張贈額

青陽縣志

卷四

懿行

八二

施光前考授州同敦倫尚義好善樂施歲出粟助婚喪焚借券

吳宗伯與蔣溥任蘭枝彭啟豐有詩贈之年至七十四卒

徐自貴州同孝事母周貧乏治橋梁府太尊朱給匾額

徐家韶廉潔辦公

施霄魁邑庠生好義急公督建蓉城書院築大成殿尊經閣魁

星樓慎社穀排族紛年九十餘

徐超宗十八都人由郡庠考授州同禮讓寬和歲歉捐穀賑濟

廣施棉襖建曝紗嶺橋

徐士成十八都人稟性渾樸捐資恤貧

陳宗祀十八都人州同夏施茶冬施衣捐穀賙貧助貧葬

徐蕃十八都人性孝義善事親調貧乏助婚葬 府憲喻公旌  
曰盛德薰人子興卽元俱入庠

徐思誠十八都人庠貢生辛未丙子捐賑二次給棉襖助醫藥  
施棺木掩枯骨

程元遺十八都人好施周困孝母兄弟終身不分居

徐興十八都人庠生言動依禮尤多調恤貧乏

徐林十八都人歲荒減價糶穀其子鐸繼父志亦仗義好施俱  
舉鄉飲

倪華國十八都人師甯永禧貧老無子華國迎師與師母奉養  
及歿葬祭盡禮

徐有高字文輝十八都人成美濟急善息紛爭

徐日顯十八都人雍正四年歲歉捐銀賑穀養孤獨焚負券

陳紹祖十八都人國學生乾隆丙子歲歉捐米百餘石調貧

徐允榮十八都人家貧猶助鄰急典質捐資息訟子入庠

徐夢弼十八都人國學生每臘散錢米嘗施棺木助墓地女早  
寡貧夢弼玉成其節

倪子美十八都人歉歲輸穀施衣衾修橋路

徐鳴珠十八都人不校橫逆公庭無足跡歲歉捐賑親課四代  
兒孫朱臬憲旌其門曰華峰逸叟

徐遵路十八都人庠生孝友忠厚外和內介博綜經史百家還

拾遺金二子俱入庠

徐守仁十八都人庠生謙和無忤捐穀不吝

陳元棠十八都人傭工奉父能孝敬在磚橋湖魚篷有冒雨女子借宿自蓑笠蹲篷外避之

王國樞十五都人太學生慷慨好施遇寒冬輒施棉襖乾隆丙子歲饑減價平糶嘗爲諸姪完婚聘并析已產與之

方學誥二十三都人性慈務施築橋散藥助賑邑侯孟給額

李維令二十三都人監生造鎮廟前中廳捐屋書院好施濟多排解

徐喆十八都人庠生修橋梁施棺木隆冬給衣賑粟焚借券

青陽縣志

卷四

懿行

八四

鮑錫俊十三都人性敦實重彞倫九歲喪父哀慟迫切事孀母尤極孝謹撫弟伊成立昆季終身無間言

鮑翔字進元十三都人與弟俱相友愛鄉里有貧者贈錢粟助祭祀代完逋負雖鬻已產不辭

陳邦若十三都人孝養父母友愛兄弟居鄉賑貧濟乏修理古墓不斲已財

何若石字介于上圖人郡增生性剛直謀事精詳與兄若巖俱以孝友稱處宗族修立義公修考棚察院泮池及經理書院義利分明著公幹聲府縣纂修志書採訪分較毫無私意臨歿猶以縣志之未及校鐫魁星閣之未及督修爲恨本縣贈

額曰風追叔度贈詩曰人人稱介士如石韞金模渾璞存圭  
角從來不道諛

孫定十一都人性至孝父母病親奉湯藥衣不解帶者數月父  
歿廬墓三年乾隆四年 旌表建坊崇祀忠義祠

徐老字幼齡十四都人少孤家貧事母孝母歿後率子韜略恩  
外買家貲始有周恤貧乏設置義山

江晟昇十七都人好善樂施載明郡志

劉 渠字士齊敦孝友恤孤幼至今子孫繁衍

何溥謙字同人上圖人乾隆庚午科舉人爲諸生時天性純粹  
母病危篤刺血哀禱病遂起後執親喪哀毀踰禮事兩兄克

敦友恭敬宗睦族以經術文章授生徒己亥歲山東徐方伯  
延主曹南書院後歸故里本縣贈詩云行年七十餘每日雞  
鳴初何事孳孳起及時著吾書壬寅冬

選福建福甯府壽甯縣知縣未赴任病卒

隱逸

南宋

宗彧之字叔粲南陽鄉人隱居不仕元嘉時詔大使陸子貞敦請至三彧以疾辭曰知我者惟故人何祥瑞耳祥瑞亦終隱焉

何祥瑞好學治春秋隱逸不出與宗彧之爲域外之交

唐

張祐字承吉南陵鄉人唐才子之最賢俊多與遊令狐楚鎮天平日薦之書奏不報每以賢能受辟諸侯府性狷介不容物輒自劾去至潤州慕曲阿古淡有南朝遺風遂僑寓焉值杜

牧守池州登九華樓作詩寄祐祐亦賦詩奉答太和申卒所著有張處士詩三卷行於世皮日休陸龜蒙等有詩弔之費冠卿字子軍以鄉貢進士久居京師有感懷詩曰梵獨不爲苦求名始辛酸上國無交親晉謁多少難九月風到面羞汗成冰片求名俟公道名與公道遠力盡得一名他喜我且輕家書十年絕歸去知誰榮馬嘶渭橋柳特地起愁聲登元和二年進士第母疾馳歸母卒廬墓三年哭不輟聲且嘆曰得祿養親耳親喪何以祿爲遂隱九華山不出長慶二年殿中侍御史李仁修舉其孝節拜右拾遺制曰前進士費冠卿嘗與計偕以文中第祿不及於榮養恨每積於永懷遂乃屏身

邱園絕跡仕進守其至性十有五年峻節無同清風自遠夫旌孝行舉逸人所以厚風俗而敦名教也宜承高獎以儆薄夫擢叅近侍之榮載著移忠之效冠卿竟不應命賦詩曰拾遺帝側知難得官繁才微恐不勝又曰三千里外一微臣二十年來任運身今日忽蒙天子詔自慚驚動國中人時人因名其所隱之山曰少微峰使者焚香宣詔處曰天香嶺朝士蕭建姚合輩往往作詩以寄之又有崔中丞者亦與冠卿遊有酬崔中丞見惠詩俱寓高致卒葬知母山詩一卷今存者散見藝文志中

高霽字暄之秋浦人隱居石門山桃花塢李白嘗遊其地白又

青陽縣志

卷四

隱逸

八七

嘗與霽同憩於青陽夏侯迥之堂眺九華聯句層標遏遲日半壁懸朝霞霽作也其他著作不傳

鞏疇字禹錫秋浦人號九華處士官歙池觀察使鄭薰重其能以車幣致之爲薰說易老子姪環聽後薰休居於洛疇往訪之薰贈以詩今白笥坡有疇祠舊志作鄭黨

王季文字宗素少厭名利隱居九華遇異人授九仙飛化之術曰子當先決科於詞籍後策名於真列冥注使然不可移也登咸通辛巳進士第授祕書郎尋謝病歸築室頭陀嶺下日浴龍潭人見之風雨不失期將死呼鄰僧以所居付之今無相院是也



韋彖秋浦人以能賦名光化中至長安翰林吳融奇其文薦之京兆試第一歸隱九華山以終

宋

劉放字世疎隱居九華之雙峰下自題石壁曰清隱巖自嘉祐訖熙甯朝士多過訪者亦刻姓名於石至和二年著九華拾遺一卷有序見文獻通考

程太古字介翁紹定間隱居九華山合刻僧應物滕子京九華新舊二錄爲總錄十八卷

陳巖字清隱號九華山人博極羣書負用世大志屢舉進士不第著有九華詩集又嘗集杜少陵詩句爲鳳隨集宋亡遂深

青陽縣志

卷四

隱逸

八八

白晦匿愛九華之勝歸焉築書院以九華名宋大德三年卒邑人楊少愚及莆田鄭紀江浦莊景皆賦詩輓之入鄉賢祠元

楊少愚幼好學經史無不該貫隱居不仕著作甚富著有孝經衍義編秋浦集九華外史明成化二年崇祀郡邑鄉賢祠

誤入文苑

明

吳世閱字子功工詩古文一生無惰容倨色後棄諸生結廬廣勝山中爲九華六逸之一所著有丹崖集九華詩草

吳篚雅淡勤學志行不苟兄弟孝友鄉里信服爲諸生時以母

疾不赴鄉試年五十登賢科以兄疾不赴會試樂隱不仕  
吳鐘字空之穎而博善詩古文詞明亡隱九華之劉沖人稱劉  
沖先生劉沖卽少微峰北費拾遺隱居故地著有循良錄阿  
凍錄忠鑑

陳自炳字潛之少從鄉賢劉光復讀書于崇正觀中有所得欣  
然自足于天啟崇正之季遊姑蘇見五人墓太息而歸遂築  
室梅村閉戶隱居人罕見其面所著詩歌文集臨歿悉焚之  
鄉人稱之曰梅村先生

徐堅字子貞十八都人庠生恥章句之學嘗以大義勗人以詩  
琴酒爲三樂築紫溪別業隱居其中

青陽縣志

卷四

隱逸

八九

江允鶚字叔峙一都人明亡棄諸生隱於童橋野肆屠沽自污  
著有有我集二卷見省志

沈自崑十七都人邑庠生賦性孝友素有義聲閉戶潛修人以  
張薦林和靖目之

孫銳十七都烏石人少嗜古早著名素慕五柳先生曠致  
施人臣恬隱不仕詩文自娛士林重之知縣傅請鄉飲匾曰鴻  
儒高尚

本朝

徐中允十四都人邑庠生賦性孝友秉躬清約尤輕財好義與  
物無競家貧常絕食但啜茶蔬洞識陰陽術數明季左兵擾

亂公帶勇堵禦青石嶺境賴以安

江浩然十七都人字孟養邑廩生天性曠達持身方正少從學天柱先生潛心研究不樂仕進順治元年例應歲薦辭弗赴教授生徒以終

何煜字寤明十六都人天性穎敏少薄舉子業肆力詩古文辭築雙柑園於城東隱居自樂後遍遊江湖交諸名公卿名重一時因客死金陵著有青浦集雙柑園集

吳國成九都人邑庠生少穎悟工文詞晚隱崇岡之上年躋大臺高行碩德課子教孫怡然自樂

徐蔚南字靜之邑庠生淡於名利博洽羣書咸豐間邑有鐵環生花無風樹鳴之異質之悉知其故書法成家隱不著名人皆寶之著作未梓今有傳誦其稿者

流寓

唐

李白字太白隴西人元宗時為翰林供奉以受讒天寶間訪道江漢望九華而心悅之會故人韋仲堪宰青陽遂僑居焉建讀書堂於龍女泉側

杜荀鶴字彥之石埭人負詩名尤工草字肄業九華自號九華山人大順二年登進士第名在第八與座主同謂之傳衣鉢時荀鶴已四十六歲放榜乃正月初十日正值荀鶴生辰王希羽贈之詩曰金榜曉懸生世日玉書潛記上昇時九華山色高千尺未必高於第八枝藝林傳以為美談按他志作景福二年登第

青陽縣志

卷四

流寓

九一

而唐詩品彙唐詩鼓吹俱作大中間進士第唐詩三體又作大順元年狀元今以南部新書大順二年裴贄榜登第為定及第後以亂歸時田頽據宣州辟荀鶴從事嘗遣至汴通好朱全忠獻詩三十章皆易曉全忠甚悅厚遇之表為翰林學士主客員外郎知制誥天祐初卒自編唐風集二卷并錄牕鎖翠若干卷草書有雲扇帖藏宋御府其次子道二遷青陽今雙牌嶺蒲沖村諸杜氏皆其後嗣

張喬秋浦人有詩名咸通中京兆府解試有月中桂詩傳世其年李建州頻主試以許棠老於場屋為首選薛尚書能以詩唁喬有何事盡參差惜哉吾子詩之句後大順元年登進士第黃巢亂喬曰尚可以行道乎哉見幾而作此其時矣遂與

伍喬顧雲殷文圭杜荀鶴許棠輩互相唱咏棲老九峰  
顧雲字垂象池州人風韻詳整與杜荀鶴殷文圭相友善同肄  
業九華咸通中登第爲高駢淮南從事師度之亂退處舊隱  
杜門著書宰相杜讓能奏雲與盧知猷司空圖等分修宣懿  
德三朝實錄書成加虞部員外郎乾甯初卒有文號鳳策聯  
華編稿

殷文圭小字桂郎池州人卜居九華潛心苦學所用墨池底爲  
之穴赴舉時中途遇一吏熟視之曰如學道當沖虛不爾大  
有名於天下乾甯中及第爲裴樞宣諭判官子行義自江南  
歸宋避諱改姓湯名悅詳駿績

周繇字惟憲建德人登咸通進士第著夢鍾馗賦得名爲河南  
尉秩滿隱九華詠詩自娛僕射王徽稱其孝友可以表俗奏  
爲建德令李昭象以詩送之曰投文得仕而今少佩印還家  
古所榮弟繁亦有文聲時稱二周今有二周紀略四卷行世  
許棠字文化登咸通十三年進士爲涇縣尉後避世亂歸隱九  
華時與張喬俞坦之劇燕任濤張蟾鄭谷李棲遠李昌符輩  
謂之詩中十哲嘗過洞庭有詩云四顧疑無地中流或有山  
人因號曰許洞庭

李昭象字化文池州刺史方元子也方元罷池州卒於宣城其  
家遂留秋浦懿宗末昭象至長安以文干執政路巖巖問其

年十有七矣最器之薦於朝將召試會巖罷相事遂已而黃巢之亂作昭象乃入九華結廬碧雲峰下與張喬顧雲輩唱酌逐日垂釣流觴至今尙留遺蹟龍紀中楊行密鎮宣州以書招之不赴卒葬同山

羅隱字昭諫又號江東生餘杭人父則乾符間爲池州鐵官遂家梅根浦上及去有別池陽所居詩有憶九華詩有憶池陽詩又寄友人詩亦曰九華曾屏跡罹亂與心違又寄舊知詩曰清溪煙雨九華山亂後應同夢寐問又與池人顧雲臧瀆輩酬和甚夥則其不忘情於池可見矣隱十上不第後依錢鏐爲鎮海軍掌書記節度判官奏授司勳郎年七十七卒其

青陽縣志

卷四

流寓

九三

詩主風刺時稱其忠義與弟鄴及天台羅蚪號三羅云

孟遲字湏仲杜牧之守池州遲以文謁杜極稱賞登會昌五年進士徵辟出仕牧以詩送之後調晉城尉敬昕爲河陽節度使奏爲軍巡判官

南唐

熊皖晉人初學詩於陳沆有咏早梅詩曰一夜欲開盡百花猶未知沆賞之曰太妃容德於是乎在登後唐清泰二年進士爲延安劉景岩從事天福中說景岩歸宋擢右司諫坐累黜上津令後隱九華山自號九華山人所著有南金集

按舊志里不著以其號九華山人定稱皎齋爲池人今據州文獻通考改正

宋齊邱字子嵩一字超回本萬載人少負大志爲文有天才仕南唐徐知誥欲相之齊邱意以退讓爲高辭歸葬父避居九華知誥遣其子景通親詣山中起爲中書侍郎及南唐保大元年罷爲浙西節度使遂歸九華舊隱尋封青陽公賜號九華先生今山中徵賢寺沈機石皆隱居故蹟

宋

湯允恭本殷文圭之後登宣和六年進士歷常州通判刑部員外郎殿中侍御史兵部侍郎歸老九華築書堂於文殊峰下卒葬於淨信之麓

范仲淹字希文姑蘇人父鏞繼母謝氏仲淹生二歲而孤母貧

青陽縣志

卷四

流寓

九四

改適長山朱文瀚隨母鞠於朱長山在縣東十九都之里有曰范塘者卽其寓所有曰讀山卽其讀書處也因從朱姓名籍貫青陽登祥符八年進士後歸母喪葬於吳上表復姓易名蓋天聖三年也謝啟有云志異強秦入境遂同於張祿心非霸越乘舟偶效於陶朱

孫冕本臨江人宋天禧間直史館三年晚守蘇州有詩自寓云寄語姑蘇孫太守也湏抖擻老精神乃拂衣退隱九華朝廷高其風累詔再任不赴後返籍

滕宗諒字子京本河南人祥符八年進士官左司諫以言得罪調祠部員外郎知信州及監鄱陽郡權酷請改池州就九華

山以葬父築室九華山雲外峰下讀書其中尋調去後入爲天章閣待制慶厯四年謫守巴陵郡七年移守蘇州卒葬於縣東石嶺鋪金龜原

王安石字介甫臨川人微時與新安汪濟邑人胡舜元築室於靈竇泉側講學

章嵩字彥高浦城人章得象之五世孫也宋南渡前遷池州府知府因卜居青陽市之東建炎兵亂遷居延和鄉

明

王守仁字伯安餘姚人稱陽明先生嘗兩至九華愛山水之勝居數月題詠頗多嘗示人曰無善無惡心之體有善有惡意

之動知善知惡是良知爲善去惡是格物學者宗之從游日眾建祠九華山中

湛若水字元明廣東增城人魁宏治壬子鄉試尋從白沙先生游卽以隨處體認天理爲宗誓不復仕以母命出應乙丑會試第三人編修時陽明王公在史館相與倡京道師而呂柟王崇輩皆公塲屋所取士和之道望日著咸稱甘泉先生游九華愛其奇秀卽刻甘泉二字於石創書院於山

呂柟字仲木陝西高陵人學者稱涇邑先生隆慶戊辰會試第六人廷試第一公立教以正心修身忠君孝親爲本有劾甘泉之學者則曰聖君在上豈可使明時有僞學之禁有問朱



陸之學者則曰初時同法堯舜同師孔孟雖入門路徑微有不同而究竟本原其致一也公於九華有甘泉記仰止亭記張元忭字子蓋別號陽和山陰人聞王文成良知之說遂潛心理學嘉靖戊午舉於鄉辛未南宮射策第一人修撰其學力追古人其詩有九九峰頭無限樂何年卜築細攀躋之句鄒元標字爾瞻號南皋吉水人萬厯初進士官至總憲諡忠介公嘗曰我明學有兩派河東醕儒也新會餘姚則直拈聖學之宗矣登地藏塔詩有云煉性臺空在傳心偈尙存此九華之實錄也



